

四庫全書

子部

欽定四庫全書

子部

御定淵鑑類函卷一百十二

詳校官內閣學士臣尹壯圖

主事臣祁韻士覆勘

總校官檢討臣何思鈞

校對官中書臣胡紹基

謄錄監生臣蔣錦珅

欽定四庫全書

御定淵鑑類函卷一百十一

設官部五十一

刺史 州佐總裁 別駕 治中
主簿 功曹 書佐 附 從事

典郎 書佐 祭酒 從事 附

中正

刺史一

原杜氏通典曰黃帝立四監以治萬國唐有九州舜置十二州有牧夏為九州牧殷周八命曰牧秦置監察御史漢興省之至惠帝三年又遣御史監三輔郡察詞訟

所察之事凡九條監者二歲更之常以十月奏事十二月還監其後諸州復置監察御史文帝十三年以御史不奉法下失其職乃遣丞相史出刺并督監察御史武帝元封元年御史止不復監至五年乃置部刺史掌奉詔六條察州凡十二州焉居部九歲舉為守相成帝綏和元年以為刺史位下大夫而臨二千石輕重不相準乃更為州牧秩真二千石位次九卿九卿缺以高第補哀帝建平二年復為刺史元壽二年復為牧後漢光武

建武十八年復為刺史外十二州各一人其一州屬司

隸校尉漢刺史乘傳周行郡國無適所治中興所治有

定處舊常以八月巡行所部常以秋分行部郡國各遣一使迎之界上錄囚

徒考殿最不稱職者為殿其有能者為最初歲盡詣京都奏事中興但

因計吏不復自詣京師皆有從事史假佐建武十一年初斷州牧自

還奏雖父母之喪不得去職元嘉元年初聽刺史二千石行三年服延熹二年復

斷或謂州府為外臺謝夷吾為荊州刺史第五倫薦之曰尋功簡能為外臺之表聽察聲

實為九伯之冠靈帝中平五年改刺史惟置牧是時天下方亂

豪傑各欲據有州郡而劉焉劉虞並自九卿出領州牧
州牧之任自此重矣舊制州牧奏二千石長吏不任位
者事皆先下三公三公遣掾史按驗然後黜退光武即
位用法明察不復委三府故權歸舉刺之吏

李膺為青州刺史守

令畏威明
閒風棄官

魏晉為刺史任重者為使持節都督輕者

為持節皆銅印墨綬進賢兩梁冠絳朝服領兵者武冠
而晉罷司隸校尉置司州江左則揚州刺史自魏以來

庶姓為州而無將軍者謂之單車刺史

庶姓謂
非帝族

凡單車

刺史加督進一品都督進二品不論持節假節晉制刺

史三年一入奏

甲午詔書曰刺史銜命國之外臺其非所部而在境者刺史并糾之

宋與

魏同梁刺史受之明日辭宮廟而行皆持節後魏天

錫二年又制諸州置三刺史皇室一人異姓二人比古

之上中下三士也郡置三太守縣置三令長孝文太和

中次職令

上黨王天穆世襲并州刺史州舊多劫盜崇乃村置一樓樓懸一鼓盜

又李崇為并

發則擊之俄頃之間聲布百里遂多擒獲諸州置樓自崇始

自後魏北齊則司州曰

牧而北齊制州為上中下三等每等又有上中下之差

自上上州至下下州凡九等 後周則雍州曰牧而制

刺史初除奉辭之日備列鹵簿凡總管刺史則加使持

節諸軍事以此為常及蘇綽為六條之制初文帝秉魏

政令百官講習其牧守令長非通六條及計帳者不得

居官

六條之例其畧曰其一先治心心不清淨則思慮妄生見理不明是以治民之要在於清心而已其

二敦教化其三盡地利其四擢賢良其五卹獄訟其六均賦役 靜帝大象元年詔總管

刺史及行兵者加持節餘悉罷之 隋雍州置牧餘州

並置刺史亦同北齊九等之制總管刺史加使持節至

開皇三年罷郡以州統縣自是刺史之名存而職廢

後雖

有刺史皆太守之互名理一郡而已非舊刺史之職按魏置使持節寵奉使官之任隋氏廢郡而以刺史牧人既非使官則合罷持節之稱其時制置不以名實相副為意仍舊存之後改為太守亦復不省所以使持節之名及於邊遠小郡乃不徵典故之失刺史縣令三年一遷諸有兵處則刺

史帶軍事以統之

煬帝乃別置都尉領兵兵不屬郡

十四年改九等州

縣為上中下三等煬帝大業初復罷州置郡為司隸臺

大夫一人巡察畿內

又有司隸刺史房彥謙嘗為之

其刺史十四人巡

察畿外諸郡亦有六條之置

與漢六條不同

從事四十人副刺

史巡察每年二月乘輅巡郡縣十月入奏 唐武德元

年罷郡置州改太守為刺史而雍州置牧至神龍二年

二月分天下為十道置巡察二十人

一道二人

以左右臺及

內外官五品以下堅明清勁者為之兼按郡縣再暮而

代至景雲二年改置按察使道各一人開元十年省十

七年復置二十二年改置採訪處置使

其有戍旅之地即置節度使仍

各置印天寶九年三月勅本置採訪使令舉大綱若大小必由是一人兼理數郡自今以後採訪使但訪察善惡舉其大綱自餘郡務所有

治於所部之大郡

至德之後改採訪

訪使為觀察觀察皆并領都團練使其僚屬隨事增置分天下為四十餘道大者十餘州小者二三州各因其山川區域為制諸道增減不恒使名沿革不一舉其職例則皆古之刺史云

增文獻通考

曰宋制諸州刺史無定員無職任特以為武臣遷轉之次序 續文獻通考曰遼南面諸州各有州刺史與古之州牧刺史大小頗異 金州名不同設防禦者謂之防禦州設刺史者謂之刺史州 元以州次於郡刺史不設 明不設州刺史而州次於府各置官屬

刺史二

原黃恭交州記曰秦兼天下改牧為郡監察郡縣糾遏非常漢書百官公卿表注曰刺史班宣周行郡國省察治狀黜陟能否斷治寃獄以六條問事非條所問即不省一條強宗豪右田宅踰制以強凌弱以衆暴寡二條二千石不奉詔書遵承典制背公行私旁詔牟利侵漁百姓聚斂為奸三條二千石不卹疑獄風厲殺人怒則任刑喜則淫賞煩擾刻暴剝截黎元為百姓所疾山崩石裂妖祥訛言四條二千石選署不平苟阿所愛蔽

賢寵頑五條二十石子弟恃怙榮寵請託所監六條二十石違公下比阿附豪強通行貨賂割損政令 漢書
曰武帝時田叔少子仁以壯勇為衛將軍舍人數從擊
匈奴衛將軍進言仁為郎中至二十石丞相長史失官
後使舉刺三河奏事稱意 又云王尊益州刺史先是
琅邪王陽為益州刺史行部至九折坂歎曰奉先人遺
體奈何數乘此險後以病去及尊為刺史至其坂問吏
曰此王陽所畏道邪吏對曰是尊叱其馭曰驅之王陽

為孝子王尊為忠臣 又曰朱博遷冀州刺史博本武吏不更文法及為刺史行部吏民數百人遮道自言博駐車決遣五六百人皆罷去如神吏驚不意博臨事乃至於此 又曰何武為揚州刺史行部必先即學宮見諸生試其誦論得失然後入傳舍問墾田頃畝五穀美惡 司馬彪續漢書曰郭伋字細侯拜并州刺史行部至西河美稷百小兒各騎竹馬迎伋拜伋問曰兒何自遠來對曰聞使君到喜故來迎伋曰苦諸兒復送到郭

外問使君何日當還伋謂從事計日告之行部還入美
稷先期一日伋念負諸兒即止野須期乃往 又曰周
舉字貞先為并州刺史太原舊俗以介子推焚骸有龍
忌之禁輒一月寒食莫敢煙爨老小不堪歲歲多死者
舉既到州乃作帛書以置子推之廟言盛冬去火殘損
人命非賢者之意以宣示愚民使還溫食 又曰皇甫
嵩領冀州牧奏請一年租賑饑民民歌之曰天下亂兮
市為墟母不保子兮妻夫夫賴得皇甫兮復安居 又

曰种暉為益州刺史在職三年宣恩遠異開曉殊俗岷
山雜落皆懷服漢德其白狼槃木諸國並貢前刺史卒
後遂絕暉至乃復向化永昌太守鑄黃金為文蛇以獻
梁冀暉糾發追捕傳上言冀由是銜怒東觀漢記
曰李均為兗州刺史所種小麥胡蒜悉付從事無所留
清約率下席羊皮服布被又曰段熲起於徒中為并
州刺史有功徵還京師頗乘輕車介士鼓吹曲蓋朱旂
騎馬殷天蔽日連騎相繼數十里謝承後漢書曰王

閔遷冀州刺史閔性刻不發私書不交豪族賓客號曰
王獨坐 又曰李燾為青州刺史發璽書於本縣傳舍
乘法駕駢驂朱軒就路奏免四郡相百城怖懼悉豫棄
官 又曰賈琮字孟堅為交趾刺史時州人屯兵反即
移書告示使其安資業百姓歌之曰賈父來晚使我先
反今見清平吏不敢飯乃以琮為冀州刺史舊典傳車
驂駕垂赤帷裳迎於州界及琮之部升車言曰刺史當
遠視廣聽糾察美惡何有反垂帷裳以自掩塞乎乃命

御者寨之百城聞風自然悚震 又曰百里嵩為徐州

刺史州境遭旱嵩行部傳車所經甘雨輒注東海金鄉

祝其兩縣僻在山間嵩傳駟不往二縣獨不雨老父干

請嵩曲路到二縣入界即雨 又曰巴祗字敬祖為揚

州刺史憤毀壞不復改易以水滲曝用之處暝暗之中

不燃官燭 又曰周乘為交趾刺史舉奏二郡穢濁太

守屬縣解印綬棄官者四十餘城 魏志曰劉馥為揚

州刺史馥既受命單馬造合肥空城建立州治貢獻相

繼數年恩化大行 又曰徐邈為涼州刺史立明訓禁

厚葬斷淫祠進善黜惡風化大行百姓歸心焉西域流

通荒戎入貢皆邈勲也 又曰田豫護匈奴中郎將領

并州刺史匈奴聞其威名相率來獻州界寧肅百姓懷

之 又曰陳泰字伯无為并州刺史懷柔民彛甚有威

惠京邑貴人多寄寶貨因泰市奴婢泰皆掛之於壁不

發其封及徵為尚書悉付還之 又曰張既為雍州刺

史太祖謂既曰還君本州可謂衣繡畫行矣 又曰賈

遠字梁道為豫州刺史遠曰州本監郡謂察二十石以下其狀皆言嚴能鷹揚有督察之才不言安靜寬仁有愷悌之德也於是阿縱不如法者皆奏免之帝曰遠真刺史矣布告天下當以豫州為法 魏略曰裴潛為兗州時常作一胡床及去留以掛壁 王隱晉書曰山濤轉為冀州刺史自濤居州甄拔隱屈搜求賢才旌命所加三十餘人皆顯名當世冀州之士於是為盛 又曰庾冰為中書監揚州刺史乃心夙夜情存治道賓禮朝

賢升擢後進由是朝野注心咸曰賢相 又曰庾翼都

督江荆益三州刺史制度規模每出於人數年之中軍

國充實人情翕然稱其才明由是自河以南皆懷歸附

又曰吳隱之為廣州刺史州界有水名貪泉父老云

飲此者皆使廉士變貪隱之始踐境先到水所酌而飲

因賦詩曰古人云此水一飲懷千金若使夷齊飲終當

不易心 又曰山濤為冀州刺史裴君秀與濤書曰處

方伯之任殊亦為高但論道之士不宜處外耳 晉陽

秋曰胡質為荊州刺史子威自洛陽至荊州定省家貧
自驅驢單行見父停十餘日臨歸質賜絹一疋為道糧
威跪曰大人清高不審安得此質曰吾俸祿之餘故以
為卿糧爾晉武帝問威曰卿孰與卿父清威曰臣不如
也帝曰何以為不如威曰臣父清畏人知之臣清畏人
不知曹嘉之晉紀曰羊暨為青州刺史暨牛產犢及
遷以官舍所生遺之而去梁書曰蔡道恭字懷儉出
為使持節右軍將軍司州刺史後魏圍司州會道恭病

篤呼其兄弟及諸將曰以死固節毋令吾沒有遺恨令
取所持節曰稟命出疆憑此而已既不還朝欲與同誓
可與棺柩相隨也 又曰安成康王秀都督雍梁南北
秦四州諸軍事雍州刺史有疾百姓商賈咸為請命既
薨四州人裂裳為白帽哀哭送迎 隋書曰劉仁恩為
亳州刺史治績號天下第一擢刑部尚書 會稽先賢
傳曰蔡母俊為交州刺史詔賜高山冠絳三匹擁節臨
難授命立功討賊以報上心 三輔決錄曰蘇章為冀

州刺史行部有故人為清河太守索得其好貨乃設酒
接以溫顏太守喜曰人各有一天我獨有二天章曰今
日蘇孺文與故人歡飲私恩也明日冀州刺史白奏事
公法也遂舉正其罪州界肅清 又曰韋康代父為涼

一作
荆

州刺史父出止傳舍康入官時人榮之 華陽國

志曰趙琰為青州刺史有貴要囑託琰於廳事前置大
器水發書投置水中無有所報 又曰郭賀字喬卿為
荊州刺史有殊政百姓歌之曰厥德神明郭喬卿志正

朝廷上下平明帝到南陽巡狩賜三公服勅行部去襜
露冕使百姓見之以彰有德 增唐書曰姜暮拜秦州
刺史高祖謂曰衣錦還鄉古人所尚今以本州相授用
答元功涼州之路近為荒梗宜弘方略有以靜之暮至
州撫以恩信州人相謂曰吾輩復見太平官府矣盜賊
悉來歸首士庶安之 又曰顏遊秦遷廉州刺史撫卹
境內敬讓大行邑里歌之曰廉州顏有道性行同莊老
愛人如赤子不殺非時草高祖璽書慰勉之 又曰太

宗詔朝集使刺史以上升殿親問之曰卿等在州何以
撫教定州刺史薛獻對曰老者國家所養臣每存卹之
少者國家所使臣每勸誡之田疇荒廢漸加墾闢禮義
既行產業咸振此皆稟之聖化非臣之力太宗曰如公
之奏足稱循良清淨為政朕所望於公等也 又曰賈
敦頤曹州冤句人也貞觀中歷遷滄州刺史在職清潔
每入朝盡室而行惟敝車羸馬羈勒有闕以繩為之見
者不知其為刺史也後轉瀛州刺史州界滹沱河及滏

水每歲泛溢漂流民人敦頤奏立堤堰自是無復水患

又曰田仁會永徽初累遷郢州刺史以善政聞時屬

亢旱仁會自暴祈禱竟獲甘澤其歲大熟百姓歌之曰

父母育我田使君精誠為人上天聞旱田致雨山出雲

倉廩既實禮義申但願常在不患貧 又曰開元十三

年元宗令宰臣擇刺史之任必在得人許景先首中其

選自吏部侍郎出為虢州刺史後轉岐州 又曰薛大

鼎為滄州刺史州界有無棣河隋末填廢大鼎奏開之

引魚鹽於海百姓歌之曰新河得通舟楫利直達滄海
魚鹽至昔日徒行今騁駟美哉薛公德滂被大鼎又以
州界卑下遂決長蘆及漳衡等三河分洩夏潦境內無
復水災時與瀛州刺史賈敦頤冀州刺史鄭德本俱有
美政河北號鎬脚刺史又曰敬暉除衛州刺史時河
北新有突厥之寇方秋而脩城不輟暉下車謂曰金湯
非粟不守豈有棄收穫而繕城郭哉悉令罷散由是人
吏咸歌詠之又曰蕭定大厯中有司條天下牧守課

績惟定與常州刺史蕭復濠州刺史張鎰為理行第一
其勸農桑均賦稅逋亡復歸戶口增加定又冠焉 又
曰段秀實為涇州刺史兼御史大夫四鎮北庭行軍涇
原鄭穎節度使三四年間吐蕃不敢犯塞清約率易遠
近稱之非公會不聽樂飲酒私室無妓媵無羸財退公
後端居靜慮而已 又曰劉贊為欽州刺史以勤幹聞
有老婦捃拾於叢林之間猛獸將噬幼女呼號搏而救
之母子俱免本道觀察使韓滉奏為異跡加金紫之服

累歲遷常州刺史 又曰李惠登授隋州刺史州遭李

忠臣希烈殲殘後野曠無人惠登朴質不知學居官無
枝葉率心為政皆與理順利人者因行之病人者因去
之二十年間田疇闢戶口加諸州奏吏入其境無不歌
謠其能 又曰韓愈為潮州刺史既視事詢吏民疾苦
皆曰郡湫水有鱷魚卵而化其長數丈食民畜產將盡
以是民貧居數日愈往視之令判官秦濟炮一豚一羊
投之湫水呪之是夕有暴風雷起於湫中數日湫水盡

涸徙於舊湫西六十里自是潮無鱷患 又曰朱敬則
為御史冉祖雍所誣貶授廬州刺史經數月代到還鄉
里無淮南一物惟有所乘馬一匹諸子姪徒步而歸
又曰許圜師轉相州刺史嘗有官吏犯贓事露圜師不
令推究但賜清白詩以激之犯者愧懼遂改為廉士其
寬如此 又曰齊漸定州義豐人為汴州刺史河南為
雄郡自江淮達於河濟舟車輻輳人庶浩繁前後牧守
多不稱職惟倪若水與瀚皆以清嚴為治吏民歌之

又曰陽城為道州刺史在州以家人法待吏人宜罰者
罰之宜賞者賞之一不以簿書介意道州土地產民多
矮每年常配鄉戶貢其男號為矮奴城憫其編氓歲有
離異之苦乃抗疏論而免之自是乃停其貢民皆賴之
無不感泣 又曰尹思貞為青州刺史境內有蠶一年
四熟者黜陟使衛州司馬路敬潛八月至州見繭歎曰
非善政孰能至於此乎乃表薦之 又曰馬燧改懷州
刺史乘兵亂之後其夏大旱人吏失耕稼燧乃務脩教

化將吏有父母者燧輒造之施敬收瘞暴骨去其煩苛

至秋界中生糴穀人頗賴之 又曰皇甫無逸為同州

刺史閉門自守不通賓客左右不得出門凡所貨易皆

往他州每按部樵採不犯於人嘗夜宿人家遇燈炷盡

人往將續之無逸遽抽佩刀斷衣帶以為其炷其廉介

如此 又曰呂元膺為蘄州刺史頗著恩信常歲終閱

郡獄囚囚有自告者曰某有父母在明日元正不得相

見因泣下元膺憫焉盡脫其械縱之以為期吏曰賊不

可縱元膺曰吾以忠信待之及期無後到者由是羣盜感義相引而去 又曰柳宗元為柳州刺史土俗以男女質錢過期則沒入宗元革其鄉法其已沒者仍出私錢贖之歸其父母 又曰天授二年正月天后內出繡袍賜新除都督刺史其袍皆刺繡作山形繞山勒迴文銘曰德政惟明職令思平清信忠勤勞進躬親自此每除都督刺史必以袍賜之 又曰素光庭者河西戍將天寶末為伊州刺史祿山之亂西北邊戍兵入赴難關

隴郡邑皆吐蕃所拔惟光庭守伊州累年外救不至賊
百端說誘終不屈部下如一及矢石既盡糧儲並竭城
將陷沒光庭手殺其妻子自焚而死朝廷聞之贈工部
尚書 又曰貞元初德宗以奉先縣令鄭珣瑜為徐州
刺史昭應縣令韋武為遂州刺史華原縣令崔琮為汝
州刺史藍田縣令韋貞伯為舒州刺史藍屋令李會為
郢州刺史錄善政也各賜馬一匹并彩物衣服以遣之
又曰劉禹錫授播州刺史御史中丞裴度奏禹錫母

年八十令播州乃猿狖所居人跡罕至禹錫誠合得罪然其老母必至不得行則須與子為死別傷陛下孝理之風伏請屈法稍移近處使得終養上曰夫為人子每事尤須脩謹常恐貽親之憂今禹錫所坐更合重於他人豈可以此論度不能對上曰我所言是責人子之事然終不忍傷其所親之心明日改授禹錫為連州刺史又曰崔珙太和七年正月拜廣州刺史兼嶺南節度使入謝帝問以撫理南海之宜珙奏對明辯帝深嘉之

時高瑀鎮徐州承智興之後軍驕難制軍士數犯法上
欲擇威望之帥以臨之久難其才會珙言事慷慨謂宰
臣曰崔珙言事神氣精爽此可以臨徐人即以王茂先
代珙鎮廣南授珙檢校工部尚書徐州刺史 又曰孔
若思為衡州刺史先是諸州別駕皆以宗室為之刺史
致敬由是多行不法若思至州舉奏別駕李欽罪犯請
加鞠訊乃詔別駕於刺史致禮自若思始也 又曰蕭
復累遷同州刺史時州人阻饑有京畿觀察使儲廩在

境內復輒以賙貧人為有司所劾詔不削階受代親友
唁之復怡然曰苟利於人敢憚薄責 五代史梁書曰
開平四年九月詔曰魏博營內刺史比來州務並委督
郵遂使曹官擅其威福州牧同於閑冗俾循通制宜塞
異端並河南州諸例刺史得以專達時議者曰唐憲宗
朝烏重胤為滄州節度使嘗稱河朔六十年能抗朝命
者以奪刺史權與縣令職而自作威福耳若二千石各
得其柄又有鎮兵雖安史挾奸豈能據一壩而叛哉遂

奏以所管德棣景三州各還刺史職分州兵並隸收管
自後雖幽鎮魏三道以河北舊風自相傳襲惟滄州一
道獨稟命受代自重脣制置使然也則梁氏之更張正
合其事矣 又曰安元信歷數任皆名郡也親戚謂曰
公身俸二千石鬢有白髮家無肥美田園何以為子孫
計元信曰吾本無文經武略遭遇先帝風雲之會繼提
郡印位在親臣平生之望過矣每以衣食豐足為愧安
有積貨治產欲為豚犬後圖不亦愚乎聞者美之

刺史三

原布政

露章

梁書曰夏侯亶字世龍為豫州刺史弟

之曰我之有州任仍夏侯前兄後弟布政優優

曰何武字君公為揚州刺史所舉奏二千石長吏必先

露章服罪為虧除免之而已不服極法九江太守戴聖

治行多不法前刺史以為大儒多優容之武使從事廉

得其罪聖懼自免後毀於

立祠

罷市

又曰晉祖逖

朝武聞之終不揚其惡

行恩德及卒人為立祠

又曰羊祜卒人出為巷

哭罷市四時置祭於峴山之陽改戶曹為解曹

增

執蛟

放魚

山堂肆考曰隋嘉州刺史趙昱時有老蛟

蛟奮波而起

又曰唐孟簡工於書為常州

運甓

刺史與盧仝遊北湖盡買漁人所獲魚放之

授環

又曰晉陶侃拜廣州刺史在州無事朝暮運百甕人問其故答曰吾方致力中原過優逸恐不堪事

又曰晉周訪為荊州刺史或說王敦曰荊州用武之國公宜自領乃改訪梁州訪大怒敦手書譬釋因遺以

玉環玉琬訪投諸地曰

吾豈賈豎可以寶悅乎

種松植蘭

又曰唐袁仁敬為杭州刺史植

松以達靈隱寺凡九里號九里松

又曰宋羅疇為滁

州刺史或曰滁州貧僻對曰此歐公之醉鄉也有庶子

紫薇香泉萬斛以為供給有琅邪幽谷白雲千頃以為

職田何謂貧僻耶治廨宇於堂前植蘭數十本且為之

記

原長一州阜兆民

周禮曰太宰職云一曰牧以地得民鄭注云牧州長也九

州各有封域以居民也案賈公彥疏曰一曰牧以地得民者謂畿外八州之中州別立一州牧使侯伯有功德者為之使統領二百一十國以有一州土地集安萬民故云牧以地得民也尚書周官曰以倡九牧阜成兆

民

增古方伯

漢舊官

合璧事類漢何武曰刺史古之方伯上所委任一州表率

也

東觀漢記曰

陽名子

薛字孫

山堂肆考曰陽城為道州刺史

州牧刺史漢舊官

州人感其德以陽名子

又曰唐薛逢為巴州刺史

人歌之曰有孩有童願以名垂何以字之薛孫薛兒

原訓導諸侯

督察郡國

國語曰周宣王欲得國子之能訓導諸侯者按註賈侍中

云國子諸侯之嗣子欲使訓導諸侯子也奏漢書曰朱博泰漢家之置郡縣部刺史奉使典州督察郡國吏民安寧其有異材功著者輒登擢秩卑加賞咸勸功樂進今增秩為牧以高第補九卿其中材則苟自守而已恐

功効凌夷奸宄不禁臣請罷置刺史如故奏可

施教九郡

宣風萬里

王隱晉書

曰王沈字處道為豫州刺史乃下教曰若能舉遺逸黜奸邪陳長吏可否皆給穀五百斛別駕主簿奉行九郡

施行 晉起居注詔曰太尉將軍衛瓘忠允清識
文武之才宜令宣風萬里為青州刺史以統戎政

聘

求耆德 旌顯異行

續漢書曰郭伋拜并州刺史前在并州素結恩德及後入界所到縣

邑老少相攜邀迎道路所過問民疾苦聘求州中耆德
雄俊設几杖之禮朝夕與參政事分祿以養之 陶氏

家傳曰陶清為荊州刺史旌顯所知三十餘人皆當世異行

石崇積財 王戎治

宅 晉書曰石崇穎悟有才氣而任俠無行檢在荊州劫
遠使商客積財不貲 又曰王戎為荊州刺史有司

奏戎遣吏脩園宅免官
詔以贖論遷豫州刺史

勿令領兵 不宜去武

魏志曰杜

恕字務伯云刺史勿令領兵以事久專上疏曰今牧守
棄治民之術脩將帥之事云云 白帖曰晉自平吳後

罷軍役山濤以為不宜去州郡
武備後寇賊起以無備遂大亂

千騎長人 三虎隨

喪

白帖曰東方千騎長人謂諸侯也

又曰王業

增

經學政事

撫字催科

山堂肆考曰漢蕭育為冀州刺史以經學與士民講誦以政事

為吏民悅服

又曰唐陽城左遷道州刺史治民如治

家州之賦稅不以時登觀察使數加詰讓城自署其考

曰撫字心勞

草木知名

耆老歌德

又曰唐張萬福

催科政拙

德宗時為濠州

刺史上謂曰先帝改爾名正者所以褒也朕謂江淮草木亦知爾威名若從所改恐賊不曉是卿也復賜舊名

又曰狄仁傑為寧州刺史御史郭翰巡

隴右入寧州境耆老歌刺史德美者盈路

議選朝臣

詔舉良才

天中記曰開元十一年山東旱朝議選朝臣為刺史以撫貧民太平御覽曰侯景

平元帝遍問朝宰曰今天下始定亟須良才請卿各舉所知羣臣未有對者帝曰吾已得一人矣王褒曰未審

為誰帝曰歐陽頎
乃授武州刺史

無留無滯

亦易亦難

山堂肆考
曰始興王

澹為荊州刺史曹無留事獄無滯囚及還朝人歌之
又曰王雍為相州刺史魏主戒之曰作牧之道亦易亦
難其身不正雖令不令而行故易
其身不正雖令不從故難
截鐙遮圍
辭絹乞留
天中

記曰澤州奏前刺史史延韜離州為軍民遮圍不放出
城蕪截下馬鐙延韜夜開城門赴關
太平御覽曰韓
軌遷秦州刺史神武欲軌還仍賜州人戶絹布兩匹州
人田昭等七千戶皆辭不受惟乞留軌神武嘉歎乃留
馬

治尚簡易

政號廉平

山堂肆考曰唐獨孤及為
常州刺史治尚簡易人皆

愛戴餘糧棲畝甘露降庭
威為綿州刺史政號廉平百姓立石頌德

又曰唐劉德

廣設耳目

宜用心腹

又曰陽逸為光州刺史為政愛人廣設耳
目時人謂有千里眼
又曰李延賞為青

州刺史帝謂曰懷博之俗
世號難治宜用好心腹

面察能否 妙選賢良

又

唐宣宗詔刺史毋得外徙必令至京師面察能否然後
除之 又曰唐則天與宰相議及刺史縣令李嶠等奏

言朝廷物議莫不重內官輕外職除授牧伯望於臺閣
寺監妙選賢良分典大州太后命書名探之得鳳閣侍

御韋嗣立御史大夫楊再思等

鑄鐵灌賊 哭金感

二十人各以本官檢校刺史

酋 又曰魏楊津除定州刺史時賊殘掠州境津置爐鑄
鐵持以灌賊賊相謂曰不畏利槩堅城唯畏楊公鐵

星 又曰梁毗為西寧州刺史酋長皆以金多者為號
迺相攻奪毗患之後諸酋以金遺毗毗對金慟哭謂之

曰汝等以此相滅今將此來欲殺我 有君子心 得
耶一無所納諸酋感悟遂不相攻擊

方伯體 又曰隋楊達為鄴鄭趙三州刺史文帝差品天
下牧宰達為第一楊素每曰有君子貌兼君子

心者惟揚達耳 又曰吉翰為益
州刺史在任著美績甚得方伯體
均賦他郡 還儲

本州

又曰唐韓休為虢州刺史號於東西京為近州乘
與所至常稅廩芻休請均賦他郡中書令張說曰

免號而與他郡此守臣私惠耳休曰刺史知民之弊而
不救豈為政哉訖如休請 又曰唐李素直徙蒲州刺

史將行還所餘儲并釋
器於本州齋圖書就道

畫像自戒

哦詩自娛

又曰後周

中藏為襄州刺史畫楊震像於寢室以自戒 又曰唐
韋應物為蘇州刺史在郡暇日惟焚香哦詩以自娛

父子風教

兄弟聲譽

又曰魏鄭述祖繼其父道昭
為兗州刺史有人入市盜布

其父執以歸首述祖原之自是無盜百姓歌曰大鄭公
小鄭公相去十五載風教猶相同 又曰唐岑義陝州

總管甚有政績弟仲翔為陝州
刺史兄弟相踵為守並馳聲譽

風觀月樓

三梁十

驛

又曰魏邢邵為西兗州刺史有善政在邵起清風觀明月樓 又曰唐裴耀卿為濟州刺史天子東巡耀

卿置三梁十驛料

言笑不苟

廉能可述

又曰唐韋安石拜德

斂均省上甚嘉之

鄭二州刺史性方重不苟言笑政尚清廉吏民尊畏又曰唐塗暁以中散大夫為江州刺史廉能可述號為

金聲

下車驗獄

單騎造營

又曰隋辛公義遷并州刺史下車先至獄中露

玉色

坐驗問十餘日斷決咸盡方還廳受新訟有須禁者即宿廳事終不還閣 又曰隋仁壽中山獠作亂資州刺

史衛文昇初到官單騎造其營

鞭人持稻

與軍采

說以利害渠帥感悅解兵而去

葛

又曰晉陶侃為荊州刺史嘗出遊見人持一把未熟稻侃問用此何為人云行道所見聊取之耳侃大怒

曰汝既不田而戲賊人稻執而鞭之 又曰魏李遷哲為信州刺史州先無儲蓄遷哲與軍士共采葛根為糧

有異味輒分嘗之軍士感悅

阡陌聚觀 風俗頓革

又曰唐李邕為滑州刺史

上計京邑早有盛名人傳其眉目怪異至阡陌聚觀後生望風門巷填溢又曰魏寇雋為梁州刺史州人俗

荒曠多為盜賊雋為立庠序勸農桑數年之間風俗頓革

楊津下教 何安勒歲

又曰魏楊津為岐州刺史有武功人齋絹為賊所劫津下教云有人著某色衣乘某色馬者在城東被殺若有家人可速收視有一老母云是已子津於是遣騎追收並緝俱獲又曰隋何妥為龍州刺史有負笈游學者妥皆為講說教授之又

飛鳥食蝗 大駁食獸

又曰蕭綯

為梁秦二州刺史時蝗害禾緒自答責忽有飛鳥十羣下食蝗殆盡又曰兗州有甌山後魏時數有猛獸為暴張華原為兗州刺史忽有大駁食獸咸以為化感所致

郡神相迎 伯元來謝

又曰唐張開為荊州刺史至郢界忽見衣紫披甲冑者數十人自雲中而下開問其故對曰某荊州內外所主之神仰使君令名故來相迎耳又曰晉殷仲堪為荊州刺史先是仲堪收葬江邊流棺其門前溝忽起為岸夜夢有人自稱徐伯元來謝且曰水中有岸其名曰洲君將為州也至是果臨荊州

教授生徒

摘發貪暴

又曰唐張鎰為濠州刺史延經術士教授生徒此去州境內明經者至四十人又

曰唐姚璩遷益州刺史初蜀吏貪暴璩摘發之無所容貸

力拒暴軍 禮接儒士

又曰唐張光輔討越王軍士恃功多暴狄仁傑時為豫州刺史力拒之光輔怒曰州將輕元帥耶仁傑曰亂河南者一越王公董士以平賊縱暴橫是一越王死百越王生也如得上方劍加君項雖死不恨光輔還奏仁傑不遜改授復州又曰周荆罕儒為泰州刺史禮接儒士世宗以為國練使

脩邵公廟

毀鼻亭祠

又曰高允為懷州刺史見邵公廟廢毀不立乃曰邵公之德闕而不禮為善者何望乃表

開脩葺之

又曰鼻亭祠在永州府道州城北舊傳象

封於此後人祠之唐刺史薛伯高毀其祠柳宗元作毀

鼻亭神

作均水法

還移稅錢

事文類聚曰戴叔倫守撫州刺史歲爭灌

祠記

溉為作均水法俗便利之

又曰李渤為虔州

刺史奏還信州移稅錢二百萬賦米二萬石

錄名

屏風

賜膳洛濱

山堂肆考唐太宗嘗曰治人之本莫重於刺史故朕嘗錄姓名於屏興卧

對之得才否狀輒疏於下方擬廢置

又曰唐元宗自

選諸司長官有聲望者為刺史大理卿源光裕等十一

人皆在選中命宰相諸王以下餞於

洛濱賜以御膳上自書十韻詩賜之

祝神虎斃禱

井泉湧

天中記曰謝朓為高州刺史境多虎夜入郭中為暴睽謁城隍廟舉酒祝神曰願虎只食刺史

無傷愚民因獨宿殿庭中是夜忽有物咆哮其聲如雷
遲明視之數虎悉斃 太平御覽曰趙郡王叡除北朔
州刺史內防外禦備有條法有無水之處
禱而掘井泉源湧出至今號曰趙郡王泉

陸馥十善

蕭恪四客

又曰陸馥為相州刺史為政清平州中有
德宿老名望素重者以友禮待之詢以政

事如此者十人號曰十善 又曰梁蕭恪為雍州刺史
賓客有江仲舉蔡遠王臺卿庾仲容四人俱被接遇並
有蓄積故樊鄧歌之云江千萬蔡五百王
新車庾大宅及恪還梁武問之恪甚慙慙

食三斗蒜

夢三口刀

又曰楊德幹歷澤齊汴相四州刺史治有
威名郡人為之語曰寧食三斗蒜不逢楊

德幹 天中記曰王濬常夢得三口刀人以禾並之手
持不得以問郡丞等莫能知劉毅對曰三刀者州字而
並之禾持不得禾傍夫者扶字明府扶當
至益州濬笑曰如卿言當相以為秀才

曲宴賦詩

登樓談詠

太平御覽曰南安王禎出為相州刺史高祖餞之於林都亭詔曰今日之集雖曰分

岐實為曲宴並可賦詩中意射者可以觀德不能賦者可聽射也當使武士彎弓文士下筆合聲事類曰晉

庾亮鎮武昌諸佐史殷浩等乘月登南樓俄而亮至便據胡床與浩等談詠

封金送上

運米自給

太平御覽曰王思政遷荊州刺史州城多壞政命蕭小歡督工治之掘得黃金三十斤夜

中密送之思政召佐史以金示之曰人臣不宜有私悉封金送上太祖嘉之賜錢二十萬又曰泉企為東雍

州刺史纖毫不擾於民在州五年每於鄉里運米以自給

今還公笏 不付卿節

又曰張威以罪免後從上祠泰山至洛陽上謂威曰自倚公以重鎮何乃惟利是視孤負朕心因問威曰公所執笏今安在威曰謹藏於家上曰可持來威奉笏以見上曰雖違法度功利實多朕不忘之今還公笏於是復

拜洛州刺史 又曰石苞為徐州刺史東關之敗苞獨全軍而退帝指所持節謂苞曰恨不以此付卿

甘露降庭 嘉禾出境

又曰隋令狐熙拜滄州刺史在職數年風教大洽上幸洛陽熙

來朝吏民恐其遷易悲泣於道及熙復還百姓出境迎謁歡呼盈路在州獲白鳥白麋嘉禾甘露降於庭前柳樹 又曰隋梁光彥為岐州刺史甚有惠政嘉禾連出於州境上悅其能賜粟五百斛帛三百段御繖一枚

給居義舍 募墾公田

山堂肆考曰唐素滋為華州刺史政清簡流民至者給地

居之名曰義舍 又曰唐徐申遷韶州刺史按公田之廢者募人耕墾以所收之半畀之歲入凡三萬斛

呼戴帽餉 謂隨使戶

天中記曰梁光彥初為岐州刺史甚有惠政轉相州鄴都人多

變詐稱其不能理政坐免復拜趙州刺史光彥言於上曰臣前待罪相州百姓呼為戴帽餉請復為相州改弦

易調庶有以變其風俗上從之復為相州刺史光彥下車發摘奸隱有若神明狡猾莫不潛竄於是合境大駭又曰吳越僭鎮永嘉百姓悅慕及移姑蘇溫人有攜家屬以從者謂之隨使戶

原賈充假

羽葆 杜預給追鋒

晉起居注曰賈充為使持節都督秦涼二州諸軍事侍中車騎將軍

如故假羽葆鼓吹給第一駙馬一匹追鋒車一乘卧乘車一乘 王隱晉書曰杜預為鎮南大將軍都督荊州諸軍事給追鋒車第二駙馬御府人馬錢三十萬

增奪腴田給貧單 延文

學設餅果

合聲事類曰長孫順德為澤州刺史素侈放至是折節為政以嚴明稱先是守長多通饋

餉順德絕摘無所容遂為良吏前刺史占部口腴田十頃奪以給貧單 太平御覽曰蔡王智積為同州刺史

在州未嘗嬉戲端然讀書門無私謁有公孫尚儀楊君英蕭德言並有文學時延於座所設惟餅果酒纔三酌

其簡靜
如此

刺史四

原岳牧

書曰唐虞稽古建官惟百內有百揆四岳外有州牧侯伯底政惟和

諸侯

白帖曰刺

史古諸侯也

列岳

刺郎

隼旗

熊軾

彤襜

俱出白帖

朱轡

漢書曰二千石車朱兩轡

千里

百城

俱出白帖

樂職

白帖曰王褒為

益州刺史作中和樂職之詩

置兵

又曰魏司馬朗請州郡宜置兵外備四彛內威不軌

高

車蓋

又曰黃霸為揚州刺史三歲治有績宣帝下詔賜車蓋特高一尺以彰有德

霽威嚴

又曰魏相為揚州案法郡國守相多貶黜邴吉與書曰朝廷知弱翁公行方直願少藏器於身相善其言為霽

威嚴

九州之長

曲禮曰九州之長入天子之國曰牧鄭註云每一州之中天子選侯之賢者為

牧之

十有三牧

漢官解詁曰京畿十有三牧分土食焉

銅印墨綬

詳通典

銀印青綬

漢書百官公卿表曰綬和元年改刺史為牧銀印青綬

位居牧伯

又曰今刺史居牧伯之位秉一州之統

位下大夫

漢書朱博傳曰哀帝初何武為大司空與

丞相翟方進共奏言古選諸侯賢者以為州伯今部刺史選第大吏所薦位高至九卿所惡立退任重職大春秋之義用貴治賤不以卑臨尊刺史位下大夫而臨二千石臣請罷刺史更制州牧以應古制

分刺

諸州

後漢書百官志曰秦有監察御史監諸郡漢興省之但遣丞相史分刺諸州無常官

分部

督察

漢官解詁曰京畿十有三牧分部馳行郡國督察在位錄囚徒考功實

刺舉州事

應劭漢官儀曰監司三代曰伯
漢興海內未定令刺史舉州事

盡部州境

山謙之丹陽記曰漢

承秦罷侯置守至武帝元封

天子所使

黃泰交州記曰刺者言其

五年始置刺史盡部州境

刺舉不法史者使也

奉詔條察

漢書百官公卿表曰武帝元封五年初置

言為天子之所使也

部刺史掌

乘驛奏事

應劭漢官儀曰漢武元封四年始遣部刺史十三人乘驛奏事

奉詔條察

三年奏事

王隱晉書曰太康三年罷刺史將軍官刺史依漢制三年一入奏事

懷以

道德

又曰阮瞻遷平南將軍江州刺史懷撫以道德

示以恩信

晉書曰唐彬持節監幽州

諸軍事領護烏丸校尉右將軍彬既至鎮訓卒利兵廣農重稼震威耀武宣諭國命示以恩信

獎勵

風俗

晉中興書太原溫錄云溫嶠字太真代應詹為江州刺史持節都督平南將軍鎮武昌達於治道軍

人稱頌獎
勵風俗

清淨化人

魏書曰劉震為兗州刺史清淨儉約以禮化人

將士

咸服

魏志曰田豫領并州刺史清約儉素所賜皆散之將士人咸服之

盜賊自止

漢書

曰張敞為冀州刺史

計日受俸

謝承後漢書曰楊秉為豫荆徐兗四州刺史

史遷任城相自為刺史二千石計日受俸餘祿不入私門家至貧窶并日而食

十日一炊

又曰

左雄為冀州刺史不舉煙火長食乾飯十日一炊

不畏彊禦

又曰陳翔遷揚州刺史貶黜森

惡不畏

不事上司

魏志曰崔林為幽州刺史在官不事上司左遷河間刺史

王

遜後濁

晉中興書曰王遜為廣州刺史民人謁者多使作金刺通名妻詰之曰何先清而後濁也

車永貪濁

又曰車永為廣州刺史居官貪濁

神馬白鳥

白帖曰王阜為幽州刺史

有神馬
白鳥見

察過詔條

又曰丞相司直郭欽奏豫州鮑宣煩苛代二十石置吏察過詔條註

云所察出
六條之外

行去法駕

又曰郭欽又奏鮑宣行去法駕駕三馬宿鄉亭為衆所非

見碑墮淚

又曰羊祜字叔子為荊州刺史常登峴山及薨立碑峴山百姓見其碑莫不悲感號為墮

碑
詣闕乞留

又曰種暉字景伯為梁州被徵吏民詣闕乞留一年遷漢陽守彞翟男女送到

漢陽界畧與相辭
十里不得乘車

增為朕卧治

事文類聚曰王及善擢魏州刺史武后勞

曰公雖病可與妻子行
日三十里為朕卧治

屈公卧治

太平御覽曰楊常希有足疾上謂之

曰蒲州出美酒足堪養病屈
公卧治之於是拜蒲州刺史

推心委公

又曰史寧為涼州刺史遣

使請事太祖即以所服冠履衣被及弓箭等賜寧謂其
使人曰為我謝涼州孤解衣以衣公推心以委公公其

善始全終無損功名也

推誠御下

又曰劉弘為荊州刺史推誠御下勵以公義每有徵發手

書郡國丁寧款密莫不感悅曰得公一紙書賢於十部從事

不畏豪強

山堂肆考曰東漢青

州刺史王龔不畏豪強按劾貪猾二千石十餘人郡邑守令聞風震慄

不受請託

又曰東漢

左雄為冀州刺史性清嚴不受人請託奏按二十石貪猾無所回忌

立碑市旁

又曰唐賈敦頤

遷洛州刺史豪右多占田數頃舉沒官者以賦貧民百姓為立碑大市旁稱頌美政

立碑流所

又曰唐狄仁傑為寧州刺史郡人立碑頌德遷豫州刺史時越王兵敗支黨餘三千人皆論死仁傑密疏請宥

詔免死戍邊道出寧州父老問曰狄使君活汝耶因相與泣碑下至流所亦為立碑

呼為慈父

又曰唐李桐客貞觀初為通州刺史治尚清平民呼為慈父

呼為慈母

又曰隋辛公義為岷

州刺史土俗一人有病合門避之公義與有病者置已
廳事迎醫療之諸病家子孫皆慙謝合境之內呼為慈
母

為國竭命

又曰宗慙為豫州刺史吳喜為典籤每
多違執慙大怒曰慙年將六十為國竭

命正得一州如斗大不能復
與典籤共臨之喜稽顙乃止

事國竭誠

又曰源賀為
冀州刺史人

告賀謀反魏主曰賀竭誠事國朕
為卿等保之訊驗果誣乃誅告者

不取羨銀

又曰唐
王疑為

商州刺史州有治賦
羨銀疑一無所取

不受羨玉

又曰魏崔挺為光州
刺史有掖縣老人自

言嘗使林邑得美玉藏之海島垂
六十年今逢明政願奉之挺不受

芝生州署

事文類
聚曰韓

思復遷滁州刺史有黃芝五
生州署民為刻石頌其祥

拒生州境

又曰馬燧徙
懷州時大旱

田第不及耕有拒生
於境內人賴以濟

蝗不至境

又曰王方翼遷肅州
刺史州無蝗塹寇易

以攻乃發卒建樓堞烽火精明
儀鳳間河西蝗獨不至方翼境

虎不為暴

又曰李紳遷滁壽二

州刺史霍山多虎採茶者病之治機
弇不能止紳至盡去之虎不為暴

科定其資

又曰張九

齡言古者刺史為三公郎官出宰百里今宜科定其
資凡不歷郎督刺史雖有善政不得任臺郎給舍

事澄其源

又曰陸象先徙蒲州刺史嘗曰天下本無事庸人擾之為煩耳第澄其源何憂不簡所至

吏民皆懷之

號薛公渠

太平御覽曰薛胄為兗州刺史城東有沂泗二水合而南流胄積石

堰之陂澤盡為良田百姓賴之號為薛公豐兗渠

名崔公橋

又曰崔亮為雍州刺史城北渭

水淺不通船行人艱阻亮欲造浮梁而慮長柱不可得會天大雨山水暴至浮出長木數百根藉此為用橋遂成立至今猶

高肇清能

合璧事類曰高肇所莅五州皆以清能著稱當時號良刺

史

徐邈清白

又曰徐邈為涼州刺史皎然清白

得江表心

太平御覽曰晉

華軼為江州刺史得江表之歡心流亡之士赴之如歸時天下多事軼每遣貢獻入洛不失臣節

得

西州心

合璧事類曰郭孝恪拜安西都護西州刺史其地高昌舊都流徙罪人與鎮兵雜限以沙磧隔

絕中國孝恪推誠撫御盡得其歡心

照天蠟燭

天中記曰田元均治成都人有訴訟其懦不能

伸者必委曲問之蜀人謂之照天蠟燭

皮裏陽秋

太平御覽曰褚裒字季野弱冠桓彝見而

目之曰褚季野有皮裏陽秋後除江州刺史莅政貞素常使私僮樵採

中興第一

又曰晉桓

伊有武幹又善音律為中興第一遷江州刺史

方伯最少

又曰荀羨為徐州刺史時年二十中

興方伯未有如美少者

並賜竹屏

又曰賀祥為荊州刺史祥有忠政梁岳陽王譽贈以竹屏

風祥取付所司太祖聞之命以賜祥

咸慕側帽

又曰獨孤信為秦州刺史常因獵日暮馳入城

其帽微側詰旦而更人有戴帽者咸慕信而側帽焉

原為十三州最

謝承後漢書曰賈琮

為交趾刺史在仕三年為十三州最

治為天下最

魏志曰梁習字子虞為并州刺史政治常

為天下最太和三年徵拜大司農習在州二十餘年而居處貧窮無方而珍物明帝異之禮賜甚厚

增

賜錢米絹布

太平御覽曰呂岱為交州刺史歷年不餉家妻子飢乏孫權聞之歎息以讓羣臣曰

呂岱出身萬里為國勤事家內困而孤不早知股肱耳目其責安在於是加賜錢米絹布歲有常限

賜

驂騑帛殺

又曰韋珍遷郢州刺史在州有聲績朝廷嘉之遷龍驤將軍賜驂騑二匹帛五十匹殺三

百斛珍乃召集州內孤貧者謂曰天子以我能綏撫卿等故賜以殺帛吾何敢獨當遂以所賜悉分與之

在此州飲水

又曰竇熾為原州刺史甚有政績州城北有泉水常與僚吏宴於泉側因酌水飲曰

吾在此州惟當飲水而已

勅相州習法

又曰令狐熙為汴州刺史令行禁止稱為良牧上謂

侍臣曰鄴都天下難理處也勅相州刺史豆盧通令習熙之法其年來朝考績為天下最賜帛三百匹頒告天

下

當以卿應之

又曰韓麒麟除齊州刺史寡於刑罰從事劉普慶說曰明公仗節方夏而

無所斬戮何以示威麒麟曰刑罰所以止惡蓋不得已而用之今民不犯法何所戮乎若必須斬戮以立威名

當以卿應之普

當以汝為始

事文類聚曰陸象先累徙蒲州刺史兼河東察

慶慚懼而去

訪使小吏有罪誠遣之大吏白爭以為可杖象先曰人情大抵不相遠謂彼不曉吾之言耶必欲責者當以汝

為始大吏

原李燾朝廷聞之

謝承後漢書曰李燾為青州刺史奉法督案朝

慚而退

廷聞之以
能治劇

王基南方稱之

魏志曰王基為荊州刺史明制度整軍農魚脩學校

南方

劉馥可任江南

又劉馥傳云太祖方有袁紹之難謂馥可任以東南之事遂表

為揚州

賈充綏靖西夏

晉起居注曰太始七年詔賈充碩量可使持節都督秦涼

諸軍事綏

巴祗不迎妻子

謝承後漢書曰巴祗為揚州刺史在任不迎妻子俸

靖西夏

祿不

呂岱不餉妻子

吳志曰呂岱字定公為交州刺史歷年不餉家妻子飢乏孫權

聞之歎息
微為尚書

脩鹽池家家豐足

晉中興書曰溉田官徐邈為涼州刺史使持節

領護羌校尉河右少雨常苦乏穀邈脩武威酒泉鹽池廣開水田募貧民佃之家家豐足通供中國之費

治芍陂官民有畜

魏志曰劉馥為揚州刺史流民越江山而歸者以萬數於是聚諸生立學

校廣屯田興治芍陂及茹陂七門

州界寧肅百姓稱

吳塘諸竭以溉稻田官民有畜

之

魏書曰司馬朗字伯達遷兗州刺史州界寧肅百姓稱之雖在軍旅常惡衣惡食以儉率下

思

化大行百姓樂政

謝承後漢書曰謝夷吾字堯卿遷荆州刺史行部始到南陽縣遇孝章皇

帝巡狩駕幸魯陽有詔勅荊州刺史入傳錄見因徒朕將覽馬上臨西廂南面夷吾處東廂分帷隔中央吾

所決正一縣三百餘事悉與上合上歎息曰諸州刺史盡如此者朕不憂天下常以勵羣臣是時恩化大行百

姓樂

得人民心復留一年

續漢書曰仲翳為梁州刺史甚得百姓歡心被徵當

遷吏人詣闕上書請留之太后歎曰未聞刺史得人民心乃許之焉復留一年

惠愛在人留

十八年

華陽國志曰嚴遵為益州刺史有惠愛每當遷官吏人塞路攀轅詔遂留之居官十八年

益州險遠以親鎮之

晉起居注曰太始元年詔曰益州險遠王教難洽宜以重將親鎮撫

之以中郎將下

邵王晃為之

湘州險固以叔父居之

晉中興書曰譙閔王承字

士敬為湘州刺史中宗謂承曰湘州南楚險固在上流之要控三州之會是用武之國也今以叔父居之

當共理之朝

任分憂之寄

建唐虞之官宜崇九牧

播龔黃之政必務六條

刺史五

原詩梁元帝後臨荊州詩曰擁旄去京縣褰帷辭未央
弱冠從王役從容遊豈張不學胡威綰寧掛裴潛床所

冀方留犢行當息飲羊戲蝶時飄粉風花乍落香高欄
來蕙氣疎簾度晚光綺錢臨仄宇阿閣繞長廊又示

民吏詩曰闕里尚撓謙瀨

一作厲

鄉裁知足咨余再分陝

少思宜寡欲霞出浦流紅苔生岸泉綠方令江漢士變

為鄒魯俗又別荊州吏民詩曰玉節居分陝金貂總

上流麾軍時舉扇作賦且登樓年光徧原隰春色滿汀

洲日華三翼舸風轉七星旂向解青絲纜將移丹桂舟

劉孝綽和湘東王理詒詩曰馮翊亂京兆廣漢欲兼

治豈若蕪邦牧朱輪褰素帷淮海封畿地雜俗良在茲
禁姦摘銖兩馭黠震豺狸 增唐王維送梓州李使君

詩曰萬壑樹參天千山響杜鵑山中一夜雨樹杪百重
泉漢女輸幢布巴人訟芋田文翁翻教授不敢倚先賢

韓翃送郢州郎使君詩曰千人插羽迎知是范宣城

暮雪楚山冷春江漢水清紅鮮供客飯翠竹引舟行一
別何時見相思芳草生 劉長卿餘干夜宴奉餞前蘇
州韋使君詩曰復拜東陽郡遙馳北闕心行春五馬急

向夜一猿深山過康郎近星看嫫女臨幸容棲托分猶
戀舊棠陰 又送柳使君赴袁州詩曰宜陽出守新恩
至京口因家始願違五柳閉門高士去三苗按節遠人
歸月明江路間猿斷花暗山城見吏稀惟有郡齋窗裏
岫朝朝空對謝元暉 韓翃寄徐州鄭使君詩曰江城
五馬楚雲邊不羨雍容畫省年才子舊稱何水部使君
還繼謝臨川射堂草遍收殘雨官路人稀對夕天雖卧
郡齋千里隔與君同見月初圓 張籍送汀州元使君

詩曰曾成趙北歸朝計因拜王門最好官為郡暫辭雙
鳳闕全家遠過九龍灘山鄉祇有輸蕉戶水鎮應多養
鴨欄地僻尋常來客少刺桐花發共誰看 又寄蘇州

白二十三使君詩曰三朝出入紫微臣頭白金章未去
身登第早年同座主題詩今日異州人閭門柳色煙中
遠茂苑鶯聲雨後新此處吟詩向山寺知君忘却曲江
春 宋林逋淮甸城居寄任刺史詩曰擾擾非我事深
居斷俗情石莎無雨瘦秋竹共蟬清劒在慵閑拂詩難

憶細評寥然獨搢枕淮月上山城

增制唐元稹授韓察等明通沔三州刺史制曰朕子育
兆人凜乎懼一物之不至將我德澤流布於遠邇者其
惟良二千石乎具官韓察等久於吏職皆著能名或常
奉詔條風聲尚在或歷居郊甸惠養有方命汝臨人勿
違其俗夫明近於海懦則姦生通過於巴急則吏援沔
當津會滯則人怨推是三者引而伸之然後可以分吾
憂矣爾其勉之 白居易除郎官分牧諸州制曰漢宣

帝曰與我共理者其惟良二千石乎誠哉是言也朕每
三復安得循理副吾此心今之臺郎一時妙選嘗經任
歷率有才用雖典曹庀事其務非輕而卹隱分憂所寄
尤重是用竝命分牧吾人歲時之間期於報政朕高懸
爵賞佇期酬効咨爾夙夜其念之哉無俾龔黃專美前
代 杜牧授竇宏餘加官依前台州刺史蘇莊除鄧州
刺史等制曰具官竇宏餘蘇莊等南郡盜作而蕭育拜
河南政美而寇恂留為人擇官因撫重之考於兩漢行

古道也宏餘廉使上言父老有請其為政也長育多方
惠訓不倦凡設教令皆有科旨莊任南康悉心為理謹
身律下節用愛人南陽古都近者小擾臨海越俗尤惜
良吏就加起拜各叶所宜仕至二千石可庇人矣無異
文律不自貴重副疲羸之望者須念終始坐狂愚之罪
者勿論深污各膺寵祿無忝分寄

原碑後漢蔡邕荊州刺史庾侯碑曰君資天地之正氣
含太極之純精明潔鮮於白珪貞操厲乎寒松視鑒出

於自然英風發乎天骨事親以孝則行侔於曾閔結交
以信則契明於黃石溫溫然弘裕虛引落落然高風起
世信荆山之良寶靈川之明珠也爰在弱冠英風固以
揚於四海矣拜為荊州刺史仗冲靜以臨民施仁義以
接物恩惠著於萬里誠信暢於殊俗由是撫亂以治綏
擾以靜帝嘉其功錫以車服方將掃除寇逆清一宇宙
廓天步之艱難寧陵夷之屯否 晉潘岳荊州刺史東
武戴侯楊使君碑曰君誕保靈和繼期載德宣哲清朗

直道高尚若乃嘉號推賢博愛濟衆鄉黨服其義而縉
紳慕其風於時文后厯數在躬相國幕府實允華夏九
德咸事俊乂在官成君名器納宇參軍宏略被於南國
美化行乎江漢西陵之役懸軍深入親薄寇壘躬行天
誅既而救兵不進糧盡道窮因乃憮然迴慮殿其衆而
返雖為法受黜勲庸未崇而天下伏其勇世主思其忠
潘尼益州刺史楊恭侯碑曰君毓乾靈之醇德挺一
世之殊量稟天然不渝之操體蘭石芳堅之質夫其器

膺弘濟智能周達窮不怨否顯不矜泰履行則為模楷
吐言則成隱括德實充於內而光華發乎外也君發迹
州國委質明主自景皇帝攝政文皇帝繼業值天下多
虞疆場未靜以君先帝所拔懷寶後時而深達遠識有
經國之量故為腹心謀臣而監度政事焉君出則簡練
熊羆職司是圖入則從容諷議盡規帷幄其所以進可
替否決疑定策者皆言效於既往而事簡於帝心君再
臨司官三撫名郡方將宣文德以來遠建武功於所牧

銘曰天生蒸民有類有則誕育恭表應期秀特文兼六
行武備七德忠肅弘毅柔嘉溫克機事無瑕臨疑不惑
我謀既精我化既清澤流河朔勲著王庭西南未夷侯
其是寧上天不惠早世潛靈北齊邢子才冀州刺史
封隆之碑曰公世載儒雅之風家傳鐘鼎之業出三代
而克阜歷兩都而轉盛五世祖游游子孚恥斯鳥獸狹
此丘壑濡足焚首念在一匡委質中山並充袞闕故已
援墜拯溺大庇生民祖定功業建旆懷藩揚旌冀部耳

目相接歌詠獨存父司空孝宣公稟潤玉府承華桂薄
望振鷺而齊舉軼歸鴻而並運以茲一德光事三主七
登九伯之重再處八元之任必有餘慶事屬才子莫之
與京理歸世祿非因原隰之氣詎待河嶽之靈發純粹
而成址稟中和而樹質神體秀異志識閒爽幼體成人
弱不好弄同鳳凰之五色非豫章之七年太昌初平洛
除侍中驃騎大將軍密勿樞功逶迤袞職貂蟬承弁華
藻披衣鳴雙璜於峻陞驅六轡於廣路升華輦以弼一

人踐泰階而平天下 周王褒故陝州刺史馮章碑曰

其先陶唐氏之苗裔堯少子生而手有馮字因以為氏
俾侯於魯義等房心之地余與之廣事符河汾之邑使
君稟靈河嶽比德璵璠閨門和美譽聖開宗握文命氏
濁水北流秦關東徙巖險襟帶山河枕倚陸離組甲從
容青紫 庾信少保幽州刺史豆盧府君碑曰本姓慕
容燕文明帝號之後也其先保姓受氏初存柳城之功開
國承家始靜遼陽之亂尚書府君改姓豆盧筮仕於魏

公資忠履孝蘊義懷仁直幹百尋澄波千頃留心職任
愛翫圖籍官曹案牘未嘗煩擁戎馬交馳不妨餘裕兄
弟公侯國朝親戚宜春有湯沐之盛濯龍無流水之譏
渭南千畝之竹尚懼盈滿池陽三頃之田常思止足銘
曰朝鮮稱國孤竹為君地稱高柳山名密雲遼陽趙裂
武遂秦分寶珪世胄雕戈舊勲名稱實賓言謂身文朝
傾地鎮夜落台星石壇承祀豐碑頌靈渭城高柏昌陵
下亭須知地市為讀山銘

原墓誌梁王僧孺豫州墓誌曰自姬發系因魏傳緒留
路在趙名賢世襲相秦將漢英雄係踵忘寵辱無愠喜
靡矜夸慎嗜欲其行軍用武勲合奇正乃治邊御衆威
裕兼行常凜凜然以中原為己任或欲十萬而橫行乍
思五十而深入剋反舊京飲馬函渭然後高卧閒帷晤
言空谷思魯連之辭賞慕田疇之高蹈而火傳川逝長
塗已迫雖景鐘良史有功必書刻板鏤石宜兼不朽銘
曰高勲藹藹長旌高旆入作爪牙出司襟帶民謠不息

王言有會功為上等政稱九最日隆寵秩方登遠大義
轡難留濛水易收祕丘元戶杳杳悠悠 陳徐陵裴使

君墓誌銘曰君五音之候兼其方收八陣之圖窮其巧
變用能戰必勝攻必取督稱無難兵號解煩朝飛火箭
夜聳雲梯燧象從奔聯狼已合於是嚴顏不撓極咤諸
戎龐德高聲肆言羣逆胡彛總至猶持子路之纓鋒刃
相交終荷溫生之節每以財輕篋籜義重嵩衡割宅字
貧友之孤開門延故人之殯篤好朋遊居常滿席每至

鮮雲藹藹披王安之衣明月團團似班姬之扇日帶花
以如笑風鳴條而若歌傍列絲桐對揚文酒一石之後
逾能斷獄五斗之量猶未解醒嗟乎潘岳之詩致哀周
密莊公之誄用愍相遺江總廣州刺史歐陽顒墓誌
曰公家習尚書少府儒高於漢冊世居渤海太守文重
乎晉原中原喪亂避地南徙公孝敬純深友悌敦睦家
積遺財並讓諸季兼賜同壤公含章內暎遠識沈通室
嗜欲謹言行資貞幹事庶隅梁室不造凶羯憑陵公被

銳執兇有志匡復梁孝元帝授散騎常侍東衡州刺史
始興縣侯而大戎弑逆宗社播遷陳纂揖讓攸歸高祖
恩加惟舊橫使持節都督南衡二十二州諸軍事廣州
刺史進為開府儀同三司山陽郡公進號征南將軍加
鼓吹一部巫山遠曲喧騎吹於日南芳樹清音肅軍容
於海截追贈車騎將軍司空公涉獵六經優游百氏寬
徭省賦化百越之歸心撫寒投膠感三軍之死力在室
如賓寧慚屋漏不貪為寶每畏人知殺青無兼兩之疑

意以豈懷珠之謗如羊如粟不改夷齊之心遺慶流風
方留豹產之德

原表魏武帝領兗州牧表曰入司兵校出總符任臣以
累葉受恩膺荷洪施不敢顧命是以將戈帥甲順天行
誅雖戮彞覆亡不暇臣愧以興隆之秩功無所執以偽
假實條不勝華竊感譏誚益以維谷 梁簡文帝為武
陵王讓揚州表曰臣延首青冥傾心紫府言非東里誠
譬北辰而滔滔雲漢不被霈然之澤鬱鬱仙居方隔下

臣之奏周任量力固請所陳明主理奪伏冀照許臣聞
繫風捕影涉求之路靡階玉馬金舟過遠之資無託

南康王會理讓湘州表曰絲言自天而忽委玉刻披雲
而下墜浮舟千仞呂梁之惕已深總轡萬尋懸車之懼
非淺 劉孝儀為安成王讓江州表曰臣聞失晨之雞
雖不忘於改旦敗駕之馬終取忸於銜鑣臣昔牧淮岱
皇風咫尺一變至道易以為政而亂政莫理美錦徒傷
豈可復宣六條闡化千里 又曰臣聞六轡沃若不策

元黃之馬九成輪奐無求擁腫之材何則跳踔之路已

窮梁棟之用斯闕南平王讓徐州表曰竊以淮岱務

殷事垂坐嘯粉榆望重非可卧治臣縣頓枕席動移旬

晦恒咫尺波易流寸陰難保寧可復冒此寵膺茲恩榮

臨川王解揚州表曰臣自馳傳斗牛作牧淮海政刑

兩空璿璣六運既昧弛張之要猶慚大小之獄故以結

泳濡翼取愧能官每一進思無忘退食誠復恩私可憑

而曩倫難紊敢恃慈弘冒披心款乞解州任少弭素餐

又為鄱陽嗣王初讓雍州表曰臣大邦維屏既慚宗
子之詩思樂泮宮有缺僖公之頌特以周開元伯錫壤
參墟漢啟三陲分珪舊楚身私家慶總集微躬擁部襟
帶跨制數州西距峽關南踰鄧塞雖復呼韓來朝藁街
納質二國尋戈四郊無警猶如王戎雅識羊祜尚義臣
求諸已無或宴安進思盡忠幾乎私竭 李揚州舅讓
表曰人心彼此盡為敵國金柝夜警和門晝閉加以淮
水淼漫危同三版懷山之勢已成為魚之期可見若使

身死可以益國城沒足用報恩雖葬魚鼈其甘如薺政以朽耄無庸必負恩寄恥辱之甚非止老臣

原啟梁陸倕謝勅使行江州事啟曰封畛遐曠屢并與實陸海神臯偏屬茲境兼以茂親明德維翰作鎮宣述條教光贊聖猷自非問望兼弘寧可擢膺嘉舉

原教齊謝朓為錄公拜揚州恩教曰昔召南分陝流甘棠之德平陽好道深獄市之寄吾忝屬負荷任總侯伯受餞元戎作牧中甸此地五都雜會四方是則而向隅

之矜斯積納隍之歎猶繁興念下車無忘待旦有齊禮
導德致之仁壽弘漏網之寬申在宥之澤 梁簡文帝

罷雍州恩教曰折以片言事關往聖寄之勿擾傳彼昔
賢故刻木不對畫獄無入吾自之雍矜懷圉圻幸得天
無虐旱地歌怪蟲令軸車行塗舟舳且戒植柳官渡尚
或依然寄飯曹僖猶思恩宥况義化君民節離寒暑憫
茲岐路宜留惠澤 臨雍州原減民間資教曰誠欲授
軀決堤曝身求雨九伐方弘三驅未息役費之憂兵家

斯急師興之費日用彌廣今春流既長艫舳爭前轉漕
相追饋糧不闕義存矜急無俟多費 臨雍州革貪惰
教曰壯夫疲於擐甲匹婦勞於轉輸藜藿難充轉死溝
壑春蠶不暖寒肌冬收不周夏飽胡寧斯忍復加哀削
傷盜抵罪遂為十一之資金作贖刑翻成潤屋之產
增記唐元結道州刺史廳壁記曰天下太平方千里之
內生植齒類刺史能存亡休戚之天下兵興方千里之
內能保黎庶能攘患難在刺史耳凡刺史若無文武才

略若不清廉肅下若不明惠公直則一州生類皆受其
害於戲自至此州見井邑丘墟生人幾盡試問其故不
覺涕下前輩刺史或有貪猥昏弱不分是非但以衣服
飲食為事數年之間蒼生蒙以私欲侵奪兼之公家驅
迫非奸惡強富殆無存者問之耆老前後刺史能卹養
貧弱專守法令有徐公履道李公廩而已故為此記與
刺史作戒自置州以來諸公改授遷黜年月則舊記存
焉 李華杭州刺史廳壁記曰天寶中朝廷以尚書郎

人物之高選二千石元元之性命始以省郎臨大部若
密邇京師或控壓衝會萬商所聚百貨所殖將擇長吏
重難之杭州東南名郡咽喉吳越勢雄江海監莅者多
當時名公宋丞相劉僕射崔尚書訐謨大政其間劉尚
書裴給事之盛德遠業左丞蘇吏部之公望遺愛在人
韋太原崔河南劉右丞侯中丞節制方隅有事已來承
制權假則相國元公旬朔之間生人受賜由是望甲餘
州名士良將遽臨此部况郊海門地浙江三山動搖於

掌端靈濤歟激於城下水牽卉服陸抗山巽駢檣二十
里開肆三萬室近歲炎沴繁興寇盜連起百戰之後城
池獨存乳哺疲人分命賢哲詔以兵部郎中范陽盧公
幼平為之公體仁而清直方簡亮文以輔德武以靜人
澄曠有清江之姿崕哉有秋山之狀麾幢戾止未逾三
月降者陳忠義歸者喜生育旌次讓利轅門無聲人咸
曰休哉以卿佐之才導王澤敷德政吾見其為公為侯
福履宜之未見其極也

增序唐韓愈贈崔復州序曰有地數百里超走之吏自
長史司馬已下數十人其祿足以仁其三族及其朋友
故舊樂乎心則一境之人喜不樂乎心則一境之人懼
丈夫官至刺史亦榮矣雖然幽遠之小民其足跡未嘗
至城邑苟有不得其所能自直於鄉里之吏者鮮矣况
能自辨於縣吏乎能自辨於縣吏者鮮矣况能自辨於
刺史之庭乎由是刺史有所不聞小民有所不宣賦有
恒而民產無恒水旱癘疫之不期民之豐約懸於州縣

令不以言連帥不以信民愈窮而斂愈急吾見刺史之
難為也崔君為復州其連帥則于公崔君之仁足以蘇
復人于公之賢足以庸崔君有刺史之榮而無其難為
者將在於此乎愈嘗辱于公之知而舊游於崔君慶復
人之將蒙其休澤也於是乎書

州佐總裁

原杜氏通典曰州之佐吏漢有別駕治中主簿功曹書

佐簿曹

簿曹從事史
主錢穀簿書

兵曹

兵曹從事史有軍事
則置之以主兵馬

部郡國

從事史典郡書佐等官

又有孝經師主監試經月令師主時節祠祀律令師主平法律

皆州自辟除為百石

又後漢書或云秩六百石

職與司隸官屬同惟

無都官從事漢魏之制復增祭酒文學從事員晉又有

武猛從事員

其州邊遠有山險寇賊者置弓馬從事五十人

歷代職員互相因

襲雖小有更易而大抵不異自魏晉以後刺史多帶將

軍開府則州與府各置僚屬州官理民

別駕治中以下是

府官

理戎

長史司馬等官是

後魏舊以州牧親人班九條之制使

前牧選吏以待後人獻文帝革制刺史守宰到官之日

仰自舉擇以為選官若簡任失所以罔上論自孝明孝
昌以後四方多難刺史太守皆為當部都督雖無兵事
皆立僚佐頗為煩擾高隆之乃表請自非邊要見有兵
馬者悉皆斷之 北齊上上州刺史屬官佐吏合三百

九十三人以下州遞減十人其州郡佐吏皆州府辟除
及後主失政賜諸佞幸賣官分州郡下逮鄉官多降中
旨故有勅用州主簿郡功曹者 後周刺史府官則命
於天朝州吏并牧守自置至隋以州為郡無復軍府則

州府之吏變為郡官矣

別駕一

原杜氏通典曰別駕從事史一人從刺史行部別乘傳

車故謂之別駕漢制也歷代皆有

梁時別駕官品揚州視黃門郎南徐州視

散騎常侍

隋及唐並為郡官

說在郡佐後

別駕二

原持版贈刀

白帖刺史六條曰州別駕治中部見刺史持版拜刺史答拜又曰呂虔為刺

史有佩刀相者以為三公服虔乃贈別駕王祥曰苟非其人刀或有害以卿有公輔之量故相與之

同

從事秩居刺史半

應劭漢官儀曰別駕秩百石同諸

駕舊與刺史別乘同流宣王化於萬里者其仕居刺史之半安可任非其人

周景題輿

鄧盛馳傳

謝承後漢書曰周景為豫州刺史辟陳蕃為別駕不就景題別駕輿曰陳仲舉座也不復

更辟蕃惶懼起視職

北堂書鈔王允別傳云本郡民

有路仁者少無名行太守王殊召補吏允犯顏直諫殊

怒收允欲殺之刺史鄧盛

當展驥足

顯化鷹揚

蜀志

聞而馳傳補為別駕從事

曰龐統字士元魯肅遺先主書曰龐士元非百里才也使處治中別駕之任始當展其驥足耳北堂書鈔管

寧讓別駕表云州民管寧誕燕雀之賤棲朝桐之華夫

別駕者明使君之羽翼顯化之鷹揚宜授英儒非誕聞

昧所得

腹心之任股肱之忠

先賢行狀曰袁紹領冀州牧以審配為別

私者

駕委以腹心之任并總幕府王隱晉書曰王祥字休徵琅邪人也本州呂虔檄為別駕以股肱之忠糾合義眾州境獲寧時人歌之曰海沂之康實賴王祥邦國不空別駕之功

唐彬正色長文

佯狂

孫盛晉陽秋曰王沈檄唐彬為治中別駕忠肅公亮直救違闕盡規誨以納善不顯諫以自彰當朝

正色焉

王隱晉書曰王長文廣漢人也益州五辟公府再拜皆不就又送別駕傳辟之長文佯狂不詣州

縣改服

逃亡

齋傳假董正卑辭請鄧粲

廣州先賢傳云董正字伯和南

海人也時州治蒼梧郡張使君舉正三辟不就後更辟書正難重違州意從詣州使君聞已在途命書佐齋別駕從事假正正慚俯就復上傳送本郡晉書曰鄧粲少以高潔著名與南陽劉麟之南郡劉尚公同志友善並不應州郡辟命荊州刺史桓冲卑辭厚禮請粲為別駕粲嘉其好賢乃起應召

貳職四岳

佐理六條 佐股肱之郡 屈公輔之才 當共理

之才 居半刺之任 貳龔黃之政 播海沂之謠

縣屈良才時善龐統 邦稱孔亮人詠王祥

別駕三

原緹油屏泥

漢書循吏傳曰黃霸為揚州刺史三歲宣帝賜車蓋特高一尺別駕主簿車緹油屏

泥於軾前以章有德

屏星曲翳

豫章列士傳曰孔恂字巨卿為別駕從事車前後舊有屏星如

刺史車曲翳儀式刺史因怒欲去別駕車屏星恂曰使君毀國舊制別駕可去屏星不可省乃投傳去刺史追

謝之乃止

以儉厲俗

謝承後漢書巴祇傳云祇為別駕體素清白以儉厲俗在官不迎妻子俸

祿不餘

以疾辭官

魏志曰兗州刺史令狐愚辟單固為別駕以疾辭官

思得素

琇

北堂書鈔應亨與州將書云誨命欲求別駕思得一人陳國素琇以其才經治亂也

勸迎天

子

又曰素紹領冀州以田豐為別駕豐勸迎天子紹不納及敗曰吾慚田別駕

太祖改容

魏志曰魏太祖破袁氏冀州辟崔琰為別駕從事謂琰曰昨案戶籍可得二十萬衆故為大州也琰對曰今天

下分崩九州幅裂二袁兄弟親尋干戈冀方蒸庶暴骨原野未聞王師仁聲先路存問風俗救其塗炭而校計

甲兵惟此為先斯豈鄙州士女所望於明公哉太祖改容謝之於時賓客皆伏失色

溫恢無憂

又曰溫恢為揚州刺史蔣濟為別駕令曰

善於將命

臧榮緒晉書何攀傳云王濬為益州辟攀為別駕濬謀伐吳遣攀奉表詣臺口陳事機詔再引見乃令張華與

攀籌畫進討之宜濬兼遣攀過羊祜面陳伐吳之策攀善於將命帝嘉之詔攀參濬軍事

宜得其

才

北堂書鈔曰王丞相集有教曰護軍長史顧和理識清敏劭令端右宜得其才以為別駕案和總角便有

清操族叔榮雅重之曰此吾家麒麟興吾宗者必此子也時宗人球亦有令聞為州別駕榮謂之曰卿連步君孝起卿矣周顗遇之和方擇蟲夷然不動顗入謂導曰卿州吏中有一令僕才王導為揚州請為別駕

江統舉賢

江氏家傳曰江統字應元太傅東海王越為兖州牧請君為別駕與君書曰昔王子師作

豫州未下車辟荀慈明又辟孔文舉貴州人士有堪此者否君舉高平郗道徽為賢良陳留阮宣子為直言齊北程宏叔為方正

易雄解位

晉中興書曰易雄字與長舉孝廉為州主簿遷

皆於時選為允

別駕自以寒門不宜久處其位解位後為春陵令

在府稱職

又曰丹陽陶錄云洄字恭潤大

將軍王敦命為參軍

轉州別駕在府稱職

所在任職

又曰習鑿齒字彥威
荊州刺史桓溫辟齒

為別駕溫出征伐齒或從或守所在任職每處機
要莅事有績善尺牘論議溫甚器遇之在職十年

在

朝誠亮

北堂書鈔王丞相教云治中
張遜在朝誠亮可補別駕

協和輔相

魏志
王基

傳云刺史王陵持表請

先主辟龐統

蜀志龐統傳云
諸葛亮言統於

基為別駕協和輔相

先主先主見與言譚大

呂範辟陸遜

吳書曰孫權嘉
陸遜功德欲殊

器之辟為別駕從事

顯之雖為上將軍列侯猶欲令歷本州
舉命乃使揚州牧呂範就辟別駕從事

陳茂諫周敞

不宜履險

謝承後漢書曰陳茂有異術交趾刺史吳郡
周敞辟為別駕從事敞欲到朱崖儋耳茂諫

曰不宜履險敞不聽涉海遇風船

欲顛覆茂仗劍呵罵水神方得濟

郭舒諫王澄不可

輕佻晉陽秋郭舒為荊州別駕諫刺史王澄宜撫養文武簡練士卒以備不虞不宜輕佻

治中一

原杜氏通典曰治中從事史一人居中治事主衆曹文

書用漢制也歷代皆有

蜀龐統以從事守耒陽令不治免官魯肅曰使處治中別駕之

任始當展其驥足乃以為治中

晉郝鑒為治中

又

車武子為桓溫治中有會不同溫輒云無車公不樂

梁睦襄字師卿為揚州治中襄父終此官乃固辭武帝許聽與府司馬換廨居之

隋為郡官唐

改為司馬

說在郡佐俊

治中二

原大水及期

益部耆舊傳云任文公為治中時旱白刺史云五月一日大水至及期果然

單席於地

又云張彥字伯春為治中刺史每坐高床治中單席於地

職在刺割

王充

論衡自紀篇云王充以元和三年徙家辟詣揚州部丹陽九江廬江後入為治中材小任大職在刺割筆札之

思歷年

恐非常選

晉書庾冰表云州任實重恐非常選

凌虛歸家

鄧德

寢廢

明南康紀曰盧耽任州為治中有神術能飛每夕輒凌虛歸家曉則還州曾元會曉不及朝則化為白鵲至閣

前迴翔欲下威儀以

奉使稱意

蜀志曰先主數令彭義宣傳軍事指授諸

幕擲之得履一隻

將奉使稱意識遇日加成都既定先主領益州牧拔義為治中從事義起徒步一朝處州人之上形色翼然自

矜得遇

三轉至治中

檀道鸞晉記曰習鑿齒字彥威才情秀逸桓溫奇之自州從事

滋甚

歲中三轉

至治中

三十為治中

世說曰習鑿齒吏才不常桓宣武器之末三十用為荊州

治中謝朓曰不遇明公荊州老從事耳

陳禪五毒畢加

謝承後漢書曰陳禪為州治中

從事時刺史為人苛刻受納贓賄禪當傳拷乃至苦掠無算五毒畢加神意自若辭對無變事遂釋

陰

澹割耳訴枉

王隱晉書曰陰澹時弱冠才行忠烈州請為治中從事割耳訴枉

所拔

皆為牧守

並部者舊傳柳琮字伯騫為治中與人交結久而並親其所拔進皆世所稱致位牧守鄉

里為之語曰得黃金一筭不如柳伯騫所識

諸事一以諮之

江表傳曰孫權克荊州將

吏悉歸附而潘濬獨稱疾權遣人以床就家舉致之濬涕泗交橫權親以手巾拭其面即以為治中諸事一以

諮之

主簿一

功曹書佐附

原杜氏通典曰主簿一人錄門下衆事省署文書漢制也歷代至隋皆有功曹書佐一人主選用漢制也其

司隸功曹從事史兼錄衆事

應劭漢百官表曰司隸功曹從事即州治中從事也

晉以來改功曹為西曹書佐宋有別駕西曹主吏及選舉即漢之功曹書佐也

主簿二

原畢雲自劾

三輔決錄云畢雲為主簿剛直樂善火燒楊園詔推之雲自考劾遂死

郭

舒自繫

晉書曰郭舒始為領軍校尉坐擅放司馬彪繫廷尉世多義之刺史夏侯含辟為西曹轉主簿

含坐事舒自繫理含事得釋刺史宗岱即命為治中

詣習主簿

晉陽秋曰習鑿齒為桓溫主簿

今於蜀致星人既夜問國家祚運脩短答云世祚方永溫不悅明晚送絹一匹錢五千文以與之星人乃馳詣鑿齒曰家在益州今受旨自裁無由致其骸骨緣君仁厚乞為標碣棺木耳鑿齒問其故星人曰賜絹一匹令僕自裁惠錢五千以買棺耳鑿齒曰君幾誤死君嘗聞乎知星宿有不覆之義乎此以綃戲君以錢供道中資是聽君去耳星人大喜明便詣溫別溫問去意以鑿齒言答溫笑曰鑿齒憂君誤死君定是誤活徒三十年看儒書不如一詣習主簿

鑿齒親遇隆密

又曰習鑿齒為桓溫荊州主簿親遇隆密

景仁撫箏而歌

北堂書鈔曰謝景仁為豫州主簿在桓靈寶門下靈寶聞其善彈箏以箏令其

彈之因歌秋風意氣殊遠靈寶甚重之

主諸簿書普關諸事

又曰韋昭辨釋名云

主簿者主諸簿書簿普也普關諸事也簿書必有掌者錄事總領之耳

毀服為豎親執

勞辱

臧榮緒晉書曰譙王承為湘令易雄為主簿佐史逃散雄毀服為僮豎從之親執勞辱

從事一

典郡書佐 祭酒從事附

原杜氏通典曰部郡國從事史每郡國各一人漢制也

主督促文書舉非法

朱震字伯厚為州從事奏濟陰太守單匡贓罪三府諍曰車如雞棲

馬如狗疾惡如風朱伯厚

典郡書佐每郡國各一人漢制也各主

一郡文書以郡吏補歲滿一更 祭酒從事史漢魏以

來置宋世分掌諸曹兵賊倉戶水鎧之事自江左揚州
無祭酒而以主簿治事

從事二

原德行堂堂

辨論洵洵

並部者舊傳曰邢顯為州從事人稱之曰德行堂堂邢子

昂顯字子昂魏志曰嚴包字文通才學最高應州辟衆為之語曰辨論洵洵嚴文通

舉姦摘

伏依法執案

並部者舊傳曰賀太和州辟為從事舉姦摘伏部人無怨長沙者舊傳曰虞

芝為南陽郡從事太守芮氏親連王室自恃豪援芝依法執案

百僚敬服

萬里肅

清

謝承後漢書曰胡騰為荊州從事萬事既辦一州肅然百僚敬服其能長沙者舊傳曰虞芝為郡從事

萬里肅清

就車赴職

投傳去官

謝承後漢書曰朱震為郡從事曰震宿有負薪

之憂力疾就車職重人輕必不堪久王隱晉書曰劉毅州辟為都官從事京邑肅然彈河南尹事司隸徐不過曰躡虎之犬鼯鼠蹈其背毅曰既能躡虎又能殺鼠何損於犬投傳而去

從事三

原文學從事

管輅別傳云冀州刺史裴徽徵召輅為文學從事一相見清論終日不覺罷倦天時

大熱移床在庭前樹下乃至雞向晨然後出再相見便為鉅鹿從事三見轉治中四見轉為別駕

武

猛從事

典畧云張楊靈帝時為并州武猛從事

材力過人

蜀志曰馬謖字幼常以荆

州從事隨先主入蜀材力過人好論軍事

武力過人

張遼傳云張遼少為郡吏漢末并州刺史

丁原以遼武力
過人召為從事

三府側席

北堂書鈔鍾離意別傳云
揚州刺史夏君三辟意署

九江郡從事
三府側席

八辟從事

謝承後漢書曰周樹達於法
善能解煩釋疑八辟從事

陳事序要

又曰周樹辟為從事刺史孟觀有
罪俾樹作章陳事序要得無罪也

不累

其身

益部耆舊傳云李宏字仲元為州從事揚雄稱
之曰不屈其志不累其身不夷不忠可否之間

不畏疆禦

華嶠後漢書曰衛羽為州從事時常侍單超
兄子匡為濟陰太守負其勢大為貪放刺史

第五種欲收之間羽素抗厲乃召羽謂曰聞公不畏疆
禦今欲相委以重事若何對曰願庶幾於一割羽出遂
馳至定陶閉城門收匡賓客親吏四十餘人七
日中起發其賊五六十萬種即舉奏一州震慄

號曰

卧虎

陳留耆舊傳云高慎字孝甫敦質少華口不能劇
譁嘿好沉深之謀為州從事號曰卧虎故人謂之

巍然不語

高孝甫

當為鷹犬

謝承後漢書曰朱震為部從事時濟陰太守單匡在官放恣辟

震請見曰

師友之道

東觀漢記曰班彪避地河西大將軍竇融以為從事深相敬愛

當為鷹犬

接以師

尚德之舉

孟嘉傳曰庾亮拔孟嘉為勸學從事高選儒官嘉值尚德之舉

友之道

廉潔通敏

漢書曰趙廣漢為州從事以廉潔通敏下士為名

威厲冰霜

長沙耆舊

傳曰虞芝轉部從事太守芮氏

世稱冰清

東觀漢記曰樊準字

不遵法度芝乃諷諫威厲冰霜

幼陵為別駕從事監職公

號白馬從事

廬江七賢傳曰陳衆辟州

正不發私書世稱冰清

從事有劇賊淳于臨等數千人攻縣光武遣司空李通帥師擊之州牧惶怖恐獲罪衆於是自請以恩信曉諭

降之乘單車駕白馬往到賊所以義告諭臨

比都官

素服名德即降服民立生祠曰白馬從事

從事

見司隸校尉篇通典註中

喬公得姦賊

後漢書曰喬公祖為梁縣功曹荊河州刺

史周景行部到梁國公祖謁景因伏地言陳相羊昌罪惡乞為部郡從事窮理其罪景壯公祖意即署遣之到具考得姦賊梁冀馳檄救之景承旨召公祖還檄至不發案之益急昌坐檻車徵公祖由是知名

文

公有道術

益部耆舊傳曰任文公有道術為州從事越雋欲反遣案虛實止傳舍有風發文公起曰

當有逆變因率駕去未能發者為郡兵所殺

子顏奇士可與計事

東觀漢記曰吳

漢字子顏更始立使使者韓鴻徇河北或謂鴻曰吳子顏奇士也可與計事鴻召見漢甚悅之

令思

才器以為賓友

晉中興書曰華譚字令思幼而好學弱冠知名揚州刺史周浚禮辟署從事愛

其才器以為賓友

中正一

原杜氏通典曰按陳勝為楚王以朱房為中正而不言職事兩漢無聞魏司空陳羣以天臺選用不盡人才擇

州之才優有昭鑒者除為中正自拔人才銓定九品州

郡皆置吳有大公平亦其任也

吳習溫為荊州大公平大公平即州都也後潘

祕為尚書僕射代溫為公平甚得州里之稱

晉宣帝加置大中正故有大小

中正其用人甚重

晉劉毅字仲雄年七十已告老後舉為青州大中正尚書以毅懸車致仕

不宜勞以碎務孫尹表曰司徒魏舒司隸嚴詢與毅年齒相近管四十萬戶州無董司百寮總攝機要舒所統

殷廣兼執九品銓十六州議者不以為劇昔衛武公年
過八十八為司徒毅志氣聰明一州品第不足勞其思
慮毅遂為州都銓正人流清濁區別其所彈貶自親貴
始又干寶稱晉宣帝除九品置大中正晉令曰大小
中正為內官者聽月三會議上東門外設幔陳席又
劉毅上表刺史初臨州大中正選州里才業高者兼主
簿從事迎刺史若吏部選用猶下中正問人事所在父
祖位狀又晉起居注曰僕射諸葛恢啟稱州都大中正
正為吏部尚書侍郎司徒左長史掾屬皆為中正臣今
領吏部請解大中正以為都中正職局司埋不宜兼也
齊梁亦重焉

梁沈約遷侍中光祿大夫領太子
詹事揚州大中正開尚書八條事

後魏有

之孝文云中正之任必須得才業兼
資者太武帝時崔浩為冀州中正北齊郡縣皆有其

本州中正以京官為之

乾明中邢邵為中書監同郡許
惇與邵競本州中正遂憑附宋

欽道出邵
為刺史

隋有州都其任亦重

晉王廣為雍州牧司空
楊雄太僕高頴並為州

都
唐無

中正二

原定九品

晉書曰劉毅論九品云臣聞官材三難治亂
之所由人物難知一也愛憎難防二也情偽

難明三也今立中正定九品職名中正實為姦
府事名九品而有八損宜罷中正除九品也

有八

損

詳

不能寬大

魏畧云時苗字德胄鉅鹿人也為大
官令領其郡中正定九品至於叙人

才不能寬大然紀人之
短雖在久遠銜之不置

平次人才

北堂書鈔傅子云
魏司空陳羣主九

品之制置郡中正
平次人才之高下

觀過黨里

又應璩新詩云十室
稱忠信觀過必黨里

自品編戶

又孫楚集奏曰九品漢氏本無班固著漢書序往代賢智以為九條此蓋記鬼錄次第耳

而陳羣依之以品生人又魏武拔奇決於胸臆收才不問階次豈賴九品而得人今可令長守為小中正各自品其編戶也

銓評之職

干寶晉記云傳咸在位多執正為豫州中正云云

清定

之選

北堂書鈔湛方生諫中正牋云清定之選實煩其人

總十六州

王隱晉書云魏舒兼

總十六州中正

操人主之威

北堂書鈔云劉毅論晉置九品之令為中正乃操人主之威

掌州鄉之論

又傅暢自序云時請定九品以余為中正余以祖考歷代掌州鄉之論

御定淵鑑類函卷一百十一

欽定四庫全書

御定淵鑑類函卷一百十二

設官部五十二

京兆尹 京府判官 推官 治中
京府司錄事 廂官 市令

京尹一

京兆尹 左馮翊 右扶風 河南尹
增開封尹 臨安尹 大興尹

大都路總管 應天尹
順天尹 留守附

原杜氏通典曰周官有內史秦因之掌治京師漢景帝

二年分置左右內史武帝太初元年更名右內史為京

兆尹

絕高曰京十億曰兆
大眾所聚故曰京兆

更名左內史為左馮翊

馮翊輔
翊衛

也

秦官有主爵中尉掌列侯 漢景帝中元六年更

名都尉武帝太初元年更名右扶風

扶風化也

與左馮翊

京兆尹是為三輔治長安城中

三輔黃圖曰長安以東為京兆長陵以北為左

馮翊渭城以西為右扶風皆治在城中故趙廣漢歎曰亂吾治者三輔也誠得兼之直差易耳銀章青

綬進賢兩梁冠絳朝服佩水蒼玉秩異凡州所監都為京師

置尹一人丞一人漢初三輔治長安後漢都雒陽置河

南尹以三輔陵廟所在不改其號但減其秩與太守同

後漢左馮翊右扶風屬司隸尋省 魏晉為京兆太守

後周都關中又為京兆尹 隋京兆郡置尹并佐吏

合二百四十四人 唐京兆府本為雍州置牧一人以

親王為之太宗為秦王中宗為英王睿宗為相王時並

居其任多以長史理人開元元年改雍州為京兆府置

牧如故掌宣風導俗肅清所部或以親王居閣而遙領

焉初雍州置別駕以貳牧之事永徽中改別駕為長史

開元初改雍州長史為京兆尹總理衆務凡前代帝王

所都皆曰尹

南朝曰丹陽尹後魏初曰代尹東魏曰魏尹齊曰清都尹

河南尹其

地在周為王城成王命君陳分正東郊成周曰尹茲東

郊

蓋今河南牧之任亦留守之始

秦兼天下置三川守

三川河洛伊也秦末李由

為三

漢興更名三川為河南武帝增守為太守王莽

川守

改太守為大尹改河南大尹為保忠信卿光武中興徙

都洛陽改太守為尹

尹正也

章綬服秩與京兆同主京都

特奉朝請

李膺為河南尹

魏晉皆為河南尹後魏太和中遷

都洛陽又置河南尹東魏置洛州刺史後周置洛

州總管尋罷之隋初為洛州刺史復為河南內史大

業初為荊河州刺史又為河南太守尋為河南尹與京

兆同

唐武德四年置洛州都督貞觀十七年改為刺

史顯慶二年置東都改刺史為長史而洛州本置牧一

人以親王為之中宗為周王時及衛王重俊實居其任

多以長史理人至開元元年改洛州為河南府改長史

為尹其牧尹之制一如京兆

諸曹書佐亦如之

各有少尹二員

通判府事

京兆少尹魏晉以來治中之任隋文帝改為司馬煬帝又改為贊治後又改為丞武德初

復為治中永徽元年以太皇帝諱改為司馬本一員太極元年雍洛二州各加司馬一員分為左右開元元年

並改為少尹

開元以後增置太原府為北京官屬制置悉同

兩京

初武后長壽元年以并州后之故里改為北都神龍初廢開元十一年又以并州高祖起義之始復

置太原府號曰北京初開元元年正月於蒲州置中都改州為河中府至六月而罷後上元元年復置岐州為鳳翔府又以益州為成都府

增宋史曰五代俱置開封府尹 宋

開封府牧尹不常置權知府一人以待制以上充掌印正畿甸之事以教法導民而勸課之中都之獄訟皆受而聽焉小事則專決大事則稟奏若承旨已斷者刑部御史臺無輒糾察 其屬有判官推官四人日視推鞠

分事以治而佐其長領南司者一人督察使院非刑獄
訟訴則主行之司錄參軍一人折戶婚之訟而通書六
曹之案牒功曹會曹戶曹兵曹法曹士曹參軍各一人
視其官曹分職洎事左右軍巡使判官各二人分掌
京城爭鬪及推鞠之事左右廂公事幹當官四人掌檢
覆推問凡闕訟事輕者聽決元祐元年又增置新城內
左右兩廂四年罷元豐初復置 開封典司轅下自建
隆以來為要劇之任至熙寧間釐折獄訟歸於廂官而

治事視前日損去十四崇寧三年蔡京奏罷權知府置
牧一員尹一員專總府事少尹二員分左右二府之政
事牧以皇子領之尹以文臣充在六曹尚書之下侍郎
之上少尹在左右司郎官之下列曹郎官之上又請移
開封府於舊尚書省從之

太宗真宗嘗任府尹自至道後知府必帶權字至是始罷

政和三年資政殿大學士鄧洵武言河南應天大名府
號陪京乞依開封制正尹少之名從之 高宗駐蹕杭
州建炎三年詔改為臨安府其守臣帶安撫使置知府

通判簽書節度推官觀察推官觀察判官錄事參軍等
官掌畿甸之事籍其戶口均其賦役頒其禁令城內外

分南北左右廂各置廂官以聽民之訟訴

廂官許奏辟
京朝官親民

資序人充後罷城內
兩廂官惟城外置焉

乾道七年皇太子領尹事廢臨安

府通判僉判職官置少尹一員日受民詞以白太子間

日率僚屬詣宮稟事九年皇太子解尹事臨安府官制

並依舊 續文獻通考曰遼南面五京尹為五京留守

司俱兼府尹職 金大興府尹掌宣風導俗肅清所部

兼領本路兵馬都總管府事同知掌通判府事少尹掌同同知總管判官掌紀綱總府衆務分判兵案之事府判掌諮議參佐糾正非違推官二人分判戶刑案事

元初立燕京路總管大興府至元二十七年改大都路都總管府置達魯噶齊二人都總管一人即京尹之職也副達魯噶齊同知治中判官推官經歷知事各二人凡本府官吏惟達魯噶齊一員及總管推官專治路政其餘皆分任供需之事故又號曰供需府 明初改集

慶路為應天府欲崇其秩改知府為正三品賜銀印同
知為府丞凡禮遇視在外知府特異有治中通判推官
經歷知事照磨等官 永樂十年陞順天府府尹為正
三品如應天府掌京府事宣化和人勸農問俗均貢賦
節征徭謹祭祀閱戶口糾豪強恤窮困錄罪囚務知百
姓之疾苦凡學校軍匠積貯牧馬薪炭河渠堤涂僧道
醫藥之事率其僚而分理焉 原留守杜氏通典曰周
之君陳似其任也此後無聞後漢和帝南巡祠園廟張

禹以太尉兼衛留守晉張方劫惠帝幸長安僕射荀藩等與其遺官在洛陽為留臺承制行事號為東西臺至安帝時劉裕置留臺具百官後魏孝文南伐以太尉元丕廣陵王羽留守京師後並加使持節唐留守之制蓋因此也

高宗儀鳳元年司農卿韋宏機為東都留守時有道士朱欽遂為中宮所使至都所為橫恣宏

機執而囚之因奏曰道士假稱中宮驅使依倚形勢臣恐虧損皇明為禍患之漸高宗特發中使賜書慰諭仍云不須漏泄武后臨朝垂拱三年文昌右丞相蘇良嗣為京留守時尚方監裴匪躬檢校京苑將鬻苑中果菜以收其利良嗣駁之曰昔公儀相魯猶能拔葵去織未聞萬乘之主鬻其果菜以與下人爭利

增宋

史曰舊制天子巡狩親征則令親王或大臣總留守事
建隆元年親征澤潞以樞密使吳廷祚為東京留守其
西南北京留守各一人以知府兼之

西京河南南京
應天北京大名留

司管掌宮鑰及京城守衛脩葺彈壓之事畿內錢穀兵
民之政皆屬焉南渡初其東京北京並置留守以開封
大名知府兼其後河南復南京西京置留守紹興四年
帝將親征以參知政事孟庾為行宮留守置奏差主管
書寫機宜文字官一員幹辦官二員準備差遣差使各

三員使臣五十員又置留司臺官一員五年罷 續文

獻通考曰金諸京留守司留守帶本府尹兼本路兵馬
都總管副留守帶各府少尹上京留守司兼管林木事
正隆二年並罷 元大都留守司掌守衛宮闕都城調
度本路供億諸務兼理營繕內府諸卿都官原廟尚方
車服殿廡供帳內苑花木及行幸湯沐宴遊之所門禁
關鑰啟閉之事留守五員副留守二員 元世祖至元
三年詔上都路總管府遇車駕巡幸行留守司事駕還

即復舊 明制巡狩親征皆命東宮監國以大臣為留守而府尹無居留之事矣

京尹二

原史記曰汲黯為主爵都尉丞相公孫宏上言曰右內史界部中多貴人宗室難治非素重臣弗能任請徙黯為右內史 漢書曰甯成為內史外戚多毀成之短抵罪髡鉗是時九卿死即死少被刑而成刑極自以為不復收乃解脫詐刻傳出關歸家稱曰仕不至二千石賈

不至千萬安可比人乎 又曰韓延壽為左馮翊滿歲

稱職為真歲餘不出行縣掾吏皆以為方春月可一出

勸農桑至高陵有昆弟相訟延壽傷之曰骨肉爭訟是

吾教不行也乃入傳舍閉閣自思過於是訟者遞相責

讓皆肉袒願以田相移至死不爭延壽恩信周二十四

縣無訟者吏不忍欺 又曰張敞為京兆尹朝廷每有

大議引古今處便宜公卿皆服然敞無威儀時罷朝會

過走馬章臺街

在長安中又曰
在章臺下街

使御史驅自以便面拊

馬又為婦畫眉長安中傳張京兆眉妩

孟康曰妩音誦北方人謂媚好

為誦畜

有司以奏上問之對曰臣聞閨房之內夫婦之私

有過於畫眉者 又曰尹翁歸為雍右扶風辟用庶平

疾迸奸吏常為三輔最 又曰薛宣為左馮翊得郡中

人吏罪名輒告其縣使自行罪曰不欲代縣治奪賢令

長名 又曰王尊王章王駿並為京尹皆有名京師稱

曰前有趙張後有三王 又曰龔勝遷丞相司直徙光

祿大夫守右扶風數月上知勝非撥煩吏乃復還勝光

祿大夫 後漢書曰延篤字叔國及邊鳳皆京尹並有
雄名語曰前有趙張後有邊延趙張謂趙廣漢及張敞
也 謝承後漢書曰鄧道出為馮翊守下車治豪強四
海號為豪強所病 魏略曰顏斐字文林為京兆守勤
勵禮學風化大行人多無車牛斐課人間月取車材使
轉相教作車又課民無牛者命畜豬貴時賣以買牛始
人以為煩一二年間家家有丁車大牛吏不煩民民不
求利遷為平原太守吏人啼哭遮道車馬不得前 又

曰顏斐為京兆尹課人輸租時各因便置薪兩束為寒
炙筆硯 又曰顏斐為京兆守京兆與馮翊扶風接界
二郡道路既穢塞田疇又荒蕪人民飢凍而京兆令屬
縣皆整頓阡陌樹桑果豐富常為雍州十郡最 王隱
晉書曰樂廣字彥輔為河南尹故郡中多怪後人皆於
廊下郵傳中治事無敢數在廳事者唯廣處之 晉中
興書曰晉太興元年改丹陽內史為丹陽尹 又曰彭
城劉隗太興初長兼侍中出補丹陽尹隗雖在外而萬

機祕密皆豫聞之 語林曰許元度出都詣劉真長先

不識至便造之一面留連標劉貴略無造詣遂九十日

一詣許語曰卿為不去家將成輕薄京尹 隋書曰樊

子蓋檢校河南內史屢有治績文帝謂曰今為公別造

玉麟符以代銅獸 增唐書曰開元初李元紘擢京兆

少尹詔決三輔渠時王主權家皆旁渠立磴瀦竭爭利

元紘敕吏盡毀之分溉渠下田 山堂肆考曰李峴長

吏治天寶時累遷京兆尹帝歲幸溫湯旬內巧供億以

媚上峴獨無所獻帝異之楊國忠使客擿安祿山陰事
諷京兆捕祿山第得安岱李方來等與祿山反狀縊殺
之祿山怒上書自言帝懼變出峴為零陵太守峴為政
得人心時京師米翔貴乃相與謠曰欲粟賤追李峴

唐書曰肅宗時楊綰輔政以儉約風天下京兆尹黎幹
出入從騶馭百數省損才留十餘騎又幹為京兆數

論執宰相元載惡之王縉附載意折幹曰南方孤生安
曉朝廷事邪山堂肆考曰劉晏為京兆尹總大體不

苛細寬猛相濟吏民安之 又李勉為京兆尹時官者

魚朝恩為觀軍容使領國子監威寵震赫前尹黎幹諷

事之須其入敕吏治數百人具以餉至是吏請勉勉不

從曰吾候太學彼當見享軍容幸過府則脩具朝恩銜

之亦不復至太學 又曰柳仲郢字諭蒙為京兆尹政

號嚴明出尹河南以寬惠為政或言不類京尹時仲郢

曰輦轂之下彈壓為先郡邑之治惠愛為本 又曰薛

元賞為京兆尹嘗詣宰相李石第石方坐廳事與一人

爭辨甚喧使覘之云有神策軍將訴事元賞趨入責石
曰相公紀綱四海不能制一軍邪命左右趣神策軍將
出仇士良聞之召元賞元賞曰屬有公事行當至矣乃
杖殺神策軍而囚服見仇士良士良無如之何呼酒歡
飲而罷唐書曰會昌中李德裕當國元賞復拜京兆
尹都市多俠少年以黛墨鑱膚夸詭力剽殺坊閭元賞
到府三日收惡少立杖死三十餘輩陳諸市餘黨懼爭
以火滅其文禁屯怙勢擾府縣元賞數與爭不少縱由

是軍暴折戢百姓賴安德裕復用元賞弟元龜為京兆少尹 山堂肆考曰唐僖宗時張全義為河南尹初東都洊經寇亂居民不滿百戶全義選麾下十八人材器可任者人給一旗一牘使詣十八縣故墟落中植旗張牘招懷流散勸之樹藝蠲其租稅由是歸者如市 宋史曰五代漢初李穀權開封府時京畿多盜中牟尤甚穀誘邑人發其巢穴有劉德興者梁時屢攝畿佐居中牟素有幹材穀即署攝本邑主簿決旬穀請侍衛兵數

千佐德與悉禽賊黨其魁一即縣佐史一御史臺吏搜其家得金玉財貨甚衆自是行者無患 又宋真宗朝御史中丞趙昌言上言天下大辟斷絕皆錄款聞奏付刑部詳覆用刑乖理者皆行按劾惟開封府未嘗奏案或斷獄有失止罪原勘官吏知府判官推官檢法官皆不及責則何以辨明枉濫表則方夏望自今如外州例施行從之 又慎從吉錢俶之壻也臨事敏速勤心公家所至瞰察多請對陳事上謂其無隱大中祥符八年

改給事中權知開封府既受命召戒之曰京府浩穰凡事太速則誤太緩則滯惟須酌中耳請屬一無所受

又真宗為壽王尹開封府召畢士安為判官及即位命權知開封府事近臣有怙勢強取民間定婚女其家訴於府士安因對奏還之宮府常從為廷職者每授任於外必令士安戒勗又慶厯中賈昌朝言漢唐都雍置三輔內翼京師朝廷都汴而近京諸郡皆屬他道制度不稱王畿請析京東之曹州京西陳許滑鄭皆隸開封

府以四十二縣為東畿帝納之又程琳權知開封府
王蒙正子齊雄捶老卒死賄妻子使以病告琳察其色
辭異令有司驗得實蒙正連姻章獻太后家太后曰蒙
正非殺人者乃其奴嘗捶之琳曰奴無自專理且使令
與已犯同太后默然遂論如法外戚吳氏離其夫而挈
女歸夫訴於府琳命還女吳氏曰已納宮中矣琳請於
帝曰臣恐天下有竊議陛下奪人妻女者帝亟命出之
咎而歸其妻琳後以御史中丞兼龍圖閣學士再知開

封府 又包待制拯除龍圖閣直學士權知開封府舊

制凡訟訴不得徑造庭下拯開正門使得至前陳曲直

中官勢族築園榭侵惠民河以至河塞不通適京師大

水拯乃悉毀去或持地券自言有偽增步數者皆審驗

劾奏之 又范純禮以龍圖閣直學士知開封府前尹

以刺深為治純禮曰寬猛相濟聖人之訓今處深文之

後若益以猛是以火濟火也由是一切以寬處之中旨

鞠享澤邨民謀逆純禮審其故此民入戲場觀劇歸途

見匠者作桶取而戴之於首曰與劉先主何如遂為匠擒明日入對曰愚人邨野無所知若以叛逆蔽罪恐辜好生之德以不應杖之足矣曰何以戒後曰正欲外間知陛下刑憲不濫足以為訓耳徽宗從之 又元豐時

王存知開封府京師並河居人盜鑿汴堤以自廣或請令培築如故又按民廬侵官道者使撤之二謀出自中人既有詔矣存曰此吾職也入言之即日弛其禁都人歡呼相慶 又吳擇仁以戶部侍郎兼知開封府故事

尹以三日聽訟右曹吏十輩列庭下自占姓名一人云

某人送某獄某人當杖某人去而尹無所可否有竇鑑者以捕盜冠諸司使服金帶擇仁視事狃舊態來前叱而械諸獄一府大驚賣珠人居民貨久不返度事急匿宦官楊戩第擇仁跡取之竄於遠戩遂中以事罷為顯謨閣直學士又王巖叟為樞密都承旨權知開封府都城羣偷所聚謂之大房每區容數十百人淵藪詭僻不可深究巖叟令掩捕撤毀之根株一空供備庫使曹

續以產貿萬緡市僧逾年負其半續盡力不能取一日
啓戶則所負皆在焉驚問其故僧曰王公今日知府矣
又元祐初錢勰以龍圖閣待制知開封府老吏畏其
敏欲困以事導人投牒至七日勰隨即剖決簡不中理
者緡而識之戒無得來閱月聽訟一人又至呼詰之曰
吾固戒汝矣安得欺我其人譎曰無有勰曰汝前訴云
云吾識以某字啓緡示之信然人皆驚詫宗室貴戚為
之斂手雖丞相府謁吏干請亦械治之又孝宗朝張

杓子浚以直徽猷閣改知臨安府都城浩穰姦盜聚慝杓

畫分地以警捕夜戶不閉光宗時再為府尹內侍毛伯益冒西河茭地為亭外戚有殺其僕者獄具黃緣宣諭求免杓皆執奏論如律孝宗觀湖杓以彈壓伏謁道左孝宗止輦問勞賜以酒炙杓天分高爽吏材敏給所至以治辦稱南渡以來論尹京者以杓為首金史曰金大定初唐古安禮為大興尹上曰京師好訛言府中姦吏為民患卿雖年少有治才去其宿弊毋為因仍七年

五月大興府獄空詔錫宴勞之凡州郡有獄空者皆賜

錢為錫宴費大興府錫宴錢三百貫其餘有差 又曰

章宗時承暉知大興府事豪民與人爭種稻水利不直
厚賂元妃兄左宣徽使李仁惠仁惠使人屬承暉右之
承暉即杖豪民而遣之曰可以此報宣徽矣 又貞祐

時胥鼎知大興府以在京貧民缺食者衆宜立法賑救
乃奏曰京師官民有能贍給貧人者宜計所贍遷官陞
職以勸獎之遂定權宜鬻恩例格入粟草各有數全活

甚衆 元史曰元至元十七年上都留守闕官宰相擬
廷臣以十數帝顧賀仁傑曰無以易卿特授上都留守
兼本路總管開平府尹僧格用事奏上都留守司錢穀
多失實召留守忽剌忽耳及仁傑廷辨仁傑曰臣漢人
不能禁吏戢姦致錢穀耗傷臣之罪呼嚕古爾曰臣為
長印在臣手事未有不關白而行者臣之罪帝曰以爵
讓人者有之未有爭引咎歸已者罪勿問 又大德二
年姚天福拜大都路總管兼大興府尹畿甸大治後之

尹京者以天福為稱首 獻徵錄曰明陳諤為給諫舉

劾權貴無所避太祖朝犯顏敢諫屢瀕於死永樂十六
年擢府尹政尚嚴察有張趙風嘗出行誤衝太子駕太
子訴於上上曰陳府尹是我父母官竟不問 又曰王
賢為順天府尹嘗以柴炭為民病言於大司空石璞曰
京民勞疲極矣今採運夫役與真保諸郡等無乃不可
乎石默然為遞減之又惜薪中貴縱其下非法凌府屬
叱跪於庭賢聞趨至欲縛其人以聞主者固謝乃已景

泰間再疏乞休上曰卿年七十禮當致仕然京畿冗繁
非爾不治英宗復辟之初顧謂近臣曰府尹如賢者何
可得哉 又曰成化時彭信為順天府丞畿甸征徭常
倍蓰他郡加之達官貴人園田錯午侵牟武斷民用困
瘁信贊治之暇周行列邑揚摧折之威施拊循之政方
嚴之下惠裕繼之 又曰正德時孫懋為南京府尹適
駕幸南都與參贊喬宇僇力同心隨機防護宸濠已擒
繫舟泊龍江逆錯繫諸司而彬等並導上夜遊伺便竊

發懋乃伏闕上章屢請迴鑒辭甚激切時值彬生日衆期往賀懋曰某抗疏欲置之死而今復賀其生非情也彬雖憾之然因懋不敢輕動及卒世廟惜之曰古之遺直也特賜祭葬贈官蓋異數云 又嘉靖間劉淑相尹

順天先是永樂初徙天下富民填北京供坊廂富民役遂占籍京師年需原籍幫銀有司歲徵銀解戶部下京府給富民曰供坊廂役至是福建解銀六千有奇部發府令給僚胥皆以成例宜給淑相曰國初土著者寡富

戶供坊廂役需費實繁原籍幫供宜也今土著日增富戶隸籍順天與土著同役凡有役府下兩縣縣下廂坊詰丁揆畝均出供費富戶何以獨得幫銀也乃下兩縣覈年供需費銀實費不什一遂停不給

以上京尹

唐書曰

太宗伐遼房玄齡留守京師詔曰公當蕭何之任朕無西顧憂矣凡糧械飛輸軍伍行留悉裁總之忽有男子上急變玄齡詰狀曰我乃告君玄齡驛遣追帝帝視奏已斬男子下詔責曰公何不自信邪又曰開元十二年

東巡泰山宋璟為留守帝將發謂曰卿國元老別方歷時宜有嘉謀以遺朕璟因一二極言手制荅曰所進當書座右出入觀省以誠終身宋史曰後唐莊宗入魏河朔遊士多自効軍門張昭至魏攜文數十軸謁興唐尹張憲憲家富文籍每與昭燕語講論經史要事恨相見之晚即署府推官憲後為北京留守昭從至晉陽莊宗及難聞鄴中兵士推戴明宗憲部將符彥超合成將應之昭謂憲曰得無奉表勸進為自安計乎憲曰我本

書生見知主上位至保釐乃布衣之極苟覲顏求生何面目見主於地下昭曰此古人之志相泣而去憲遂死之時有害昭者執之以送彥超彥超曰推官正人無得害之今為榜安撫軍民事寧以昭為北京留守推官

又曰太宗親征太原以沈倫為留守判開封府事 又曰至道初呂蒙正以右僕射出判河南府兼西京留守蒙正至洛多引親舊歡飲政尚寬靜委任僚屬事多總裁而已 又曰王旦參知政事從真宗幸澶淵雍王元

份留守東京遇暴疾命旦馳還權留守事旦曰願宣寇
準臣有所陳準至旦曰十日之間未有捷報時當何如
帝默然良久曰立皇太子旦既至京直入禁中下令甚
嚴使人不得傳播及駕還旦子弟及家人皆迎於郊忽
聞後有騶訶聲視之乃旦也 又大中祥符議封泰山
以向敏中舊德有人望召入權東京留守後祠汾陰復
為留守 又曰錢惟演留守西京歐陽修尹洙為官屬
修等頗遊宴王曙時權知開封府後至嘗厲色戒修等

曰諸君縱酒過度獨不知寇萊公晚年之事邪修起對
曰以修聞之萊公正坐老而不知止耳

以上留守

京尹三

原執版 閉閣

漢書典職曰京兆秩中二千石見尚書令僕射執版揖之韓延壽事詳前二

三輔尤劇 五日何畏

張敞傳曰浩攘於三輔尤劇注浩大穰盛言人衆多也

又曰張敞被勅使吏絮舜有所案問絮舜以敞被勅當不久在職遂慢其事曰五日京兆尹耳何足畏言祇應

五日為京兆尹耳敞聞殺舜書簡示曰五日京兆尹如何竟免罪

母問錄囚 吏請

代罪

漢雋不疑為京兆尹每錄囚徒其母問以平反則喜而食若無所出則母怒而不食故不疑為吏嚴

而不殘 白帖云趙廣漢坐罪吏人守闕訴號泣曰人生無益縣官願代趙京兆死使牧養小人竟坐腰斬

內掌帝都 外統京畿

傅子云傅嘏字蘭石為河南尹內掌帝都外統京畿兼古

六鄉六遂之土其民異方雜居多豪門大族商賈胡貊天下四會利之所聚奸之所生前尹司馬芝舉其綱而太簡次尹劉靜綜其目而太密後尹李勝毀常法以收一時之聲嘏立司馬之綱以統之裁劉之目以經緯之李之所毀以漸補之有所薦達及大有益於民事皆隱其端迹若不由已出故當時無赫赫之名吏民久而後

安之 整頓京師

檢御貴戚

李郃別傳云郃隲弟豹為將作大匠河南尹缺豹欲

得之上及隲亦欲用豹難便召拜下詔令公卿舉隲以旨遣人諷公卿悉舉豹李郃曰司隸河南尹當整頓京師檢御貴戚今反使親家為之必不可

遐邇所模 四方表則

晉起居注武帝

咸寧三年詔曰河南百郡之首其風教宜為遐邇所模
以導齊之侍中奉車都尉王恂忠亮篤誠才兼外內明
於治化其以恂為河南尹王隱晉書曰庾純字謀甫
太始六年詔曰河南京畿大都為四方之表則中書令
庾純清粹忠正才經治

王章封事

孔坦望實

漢書云王

章選為京兆尹時帝舅大將軍王鳳輔政章為鳳所舉
以鳳專權不親附鳳會日有食之章奏封事召見言鳳
不可任用宜更選忠賢上初納受章言後不忍退鳳章
由是見疑遂為鳳所陷罪至大逆語林曰蘇峻新平
溫庾諸公以朝走初復京尹宜得望

摘伏如神

卹

實惟孔君平可以處之君平孔坦也

民如子

漢書曰趙廣漢字子都為京兆尹以和顏接士
其尉薦待遇吏殷勤甚備事推功善歸之於下

曰某掾卿所為非二千石所及行之發於至誠吏見者
皆輸寫心腹無所隱匿咸願為用儻仆無所避廣漢為

人強力天性精於吏職見吏民或夜不寢至旦尤善為
鉤距以得事情其發奸擿伏如神冬獄當斷先為調棺
皆曰死無所恨 謝承後漢書云延
篤遷京兆尹憂官如家卹民如子 旌表異行 進

用善士

謝承後漢書云羊陟遷河南尹旌表異行進用善士

翦治強宗

禁絕

豪右

謝承後漢書云華崧為河南尹翦治強宗威名振
烈 又云羊陟遷河南尹禁絕豪右囑託書疏不

與交

持法簡而不犯

為吏嚴而不殘

傅子云傅嘏為河南尹以

德化為本持法有恒簡而不可犯 列女傳云雋不疑
為京兆尹識鑒明徹毋誡之曰養民不可不惠臨政不
可不仁仁能愛人惠能如慈
故不疑為吏嚴而不殘云 疾病則給醫藥 獄訟

不加榷楚

風俗通云陳龜遷京兆尹民有疾病則給醫
藥常使戶曹巡行 傅子云傅嘏為河南尹

見理識情訟獄不加榷楚而得其實

蓋勲威震京師 袁安大小從化

後漢書云蓋勲拜京兆尹時長安令楊黨父為中常侍恃勢貪放按得其賊十餘萬貴戚咸為之請勲不聽具以事聞并連黨父有詔窮按威震京師 續

羊步計

日受俸 兒寬開渠溉田

謝承後漢書曰羊步遷河南尹計日受俸常日乾飯茹菜

漢書曰兒寬遷內史奏開六輔渠定水令以廣溉田收租稅與民相假貸以故租多不入後有軍發左內史以負租課殿當免民間皆恐失之大家牛車小家野

王令貪殘李膺殺之 王官吏不下王濟鞭之

後漢書曰李膺

為河南尹執法不撓時張讓弟朔為野王令貪殘無道乃至殺孕婦聞膺剛厲威嚴懼罪逃還京師因匿兄讓

第舍藏於合柱中膺率吏卒破柱取朔付洛陽獄受辭畢即殺之

北堂書鈔傅暢晉諸公贊曰王濟為河南

尹未拜遇王官吏不下道濟鞭之

增追匿金

覈逋賦

宋史云神宗時滕元發除

翰林學士知開封府民王穎有金為鄰婦所隱閱數尹不得直穎憤而致偃扶杖訴於庭元發一問得實反其金穎投杖仰謝失偃所在

山堂肆考曰唐韋澳為京兆尹宣宗舅鄭光主瑩吏豪肆積年不輸官賦澳執而械之奏其狀且曰必置於法上曰鄭光甚愛之奈何對曰陛下自內史擢臣京邑安可使畫一之法獨行於貧

下乎帝入白太后曰是人不可犯也太后為輸租數百斛乃釋之

幢蓋鼓吹

玉麟

銅虎

翰苑新書載李燮傳云燮拜京兆尹加幢蓋鼓吹燮履潔白之節秉執忠良吏民愛戴作歌曰我府

君道教舉恩如春威如虎愛如母訓如父

詳前一隋書

惠文彈治

詔書褒美

宋史云蘇頌元豐初權知開封府頗嚴謂京師浩穰須
彈壓當以柱後惠文治之非毫穎卧治之比 翰苑新

書云歐陽六一集程文簡公琳知開封府前為府者苦
治劇或滿歲罷不然被謗或以事去獨公居數歲久而

治益精明盜訟稀少獄
屢空詔書數下褒美

請避正寢

識名屏風

宋史云周

起權知開封府聽斷明審舉無留事真宗嘗臨幸問勞
起請曰陛下昔龍潛於此請避正寢居兩廡詔從之名

其堂曰繼照 又云呂夷簡為龍圖閣直學士權知
開封府嚴辨有聲真宗識其名於屏風將大用之

榜神策校

祠曲江池

山堂肆考云元和間柳公綽拜
京兆尹方赴府有神策校乘馬

不避者即時榜死帝怒其專殺公綽曰此非獨試臣乃
輕陛下法帝曰既死不以聞可乎公綽曰臣不當奏在
市死職金吾在坊死職左右巡使帝乃解 唐書云孔
戢為京兆尹歲旱文宗憂甚戢躬祠曲江池一夕大澍

帝悅詔
兼御史

頓舍種蔬表木按籍

獻徵錄云薛均以行太僕寺丁艱歸詔取

不出凡三詔始出授應天府尹益尚廉明獨買頓舍餘一片地種蔬甚具旦暮荷鋤往芸之日飽饘粥菜茹太宗密使人庶之得其飯饘粥也笑曰人皆樂惟朕與均苦耳然庭無廢事宋史云王博文天禧中以龍圖閣直學士復知開封府都城豪右邸舍侵通衢博文製表木按籍命左右判官分撤之月餘畢出談笑

剖決簡易循禮

翰苑新書云言行錄蔡端明襄字君謨開封世稱難治公居之有能名其

治京師談笑剖決破姦發隱吏不能欺宋史歐陽修加龍圖閣學士知開封府承包拯威嚴之後簡易循禮

不求赫赫名

京師亦治

厚結中人獨抗錦衛

宋史云李師中知河南尹前此

多大臣居守揆幕吏習弛緩師中一以嚴整齊之號為治解然用法刺深煩碎無大體惟厚結中人神宗嘗對

宰相言其治狀富弼曰陛下何從知之邪帝默然獻
徵錄云武宗初服劉瑾擅權惡禮科都諫周璽乃陞順
天府丞實則抑之也未幾同錦衣衛指揮楊玉勘事赤
縣楊玉者瑾黨也衆見玉皆低首璽獨與抗辭色不少
假借事竣瑾嗾玉誣以蔑
視近臣下獄拷掠削籍死

大體不苛

壹意撫字

山

肆考云唐劉晏字士安為京兆尹總大體不苛細寬猛
相濟吏民安之獻徵錄云弘治間蘭琦尹順天熟政

體知民瘼一意

撫字民安之

摘發奸盜 請罷牛車

宋史云吳育知開封府居

數日發大奸吏一人流嶺南又得巨盜積賊萬九千緡
獄具而輒再變帝遣他吏按之卒伏法獻徵錄云嘉

靖間景臻為順天府丞會司徒議徵畿民
牛車窵運京粟出關臻即疏病民乃罷之

請平宮市

奏免園夫

山堂肆考云唐德宗時吳湊為京尹京師
苦宮市湊上言宮中所須責臣可辦若不

欲外吏與聞禁中事宜選中官高年謹信者為宮市令
平價和售以息衆譁 獻徵錄云嘉靖初王震陞順天

府尹奏罷上元江
寧花園夫千餘人

降絲綸

賜旗甲

合辟事類云晉
天福中敕留守

之任委寄非輕凡降絲綸宜同將相今後除留守宜並
降麻留守降麻自安彥威始 又唐呂元膺拜東都留
守故事留守賜旗甲元膺獨無或上言用兵討淮西東
都損其儀沮威望請比華汝壽三州帝不可并三州罷
之留守不賜
旗甲自此始

東都治第

西京留臺

唐書云文宗時
裴度罷相徙東

都留守時閭豎擅威天子擁虛器度不復有經濟意乃
治第東都集賢里於午橋作別墅具煥館京臺號綠野
堂度野服蕭散與白居易劉禹錫為文章把酒窮晝夜
相歡不問人間事 山堂肆考云司馬溫公為西京留
臺每出前驅不過三節伊川謂曰公出無
從騎市人或不識公曰某惟求人不識耳

聽斷如神

博奕不問

翰苑新書云杜衍知開封府聽斷如神權要不敢干宋史云欽宗時李綱之罷太

學生陳東及士庶十餘萬人撾鼓伏闕下經日不退遇內侍輒殺之帝顧聶昌俾出諭旨即相率聽命昌再尹京兆惡少年怙亂畫為盜入官民家攘金帛且去輒自縛黨中三兩輩聲言擒盜持赴部走委巷乃釋縛分所掠而去人不莫居昌悉彈治正法而縱博奕不之問或謂令所禁昌曰姑從所嗜以解其謀正所以禁其為非耳

文書躬決

豪猾畏斂

翰苑新書載晦菴集云李椿字壽翁臨安擇守公在

議中執政謂公無委曲上曰正欲得如此人遂兼府事親閱文書躬自裁決請屬一無所受三月而罷宋史云吳奎權開封尹達於從政吏不敢欺豪猾畏斂居三月治聲赫然

三老上書 六軍

畏法

山堂肆考云漢成帝時御史大夫張忠奏京兆尹王尊罪坐免官湖三老公乘興等上書訟云尊治

京兆盡節勞心夙夜思職撻劇整亂誅暴禁邪皆前代所稀有願下公卿大夫博士議審如御史章尊尊當伏觀闕之誅不得苟免即不如章亦宜有誅以懲讒賊之口於是復以尊為徐州刺史又云唐韓愈為京兆尹六軍不敢犯法私相謂曰是尚欲燒佛骨何可犯也

京尹四

原秩二千石

續漢書百官表云凡州所監都為京都置尹一人秩二千石

官品第

三

漢書百官表云京兆尹品第三

如郡主爵

又云三輔職如郡主爵列侯

分治

京師

漢官解詁云武帝太初元年左內史為左馮翊主爵都尉右內史為右扶風京兆尹治京師以為三

輔

正身率下

謝承後漢書云延篤遷京兆尹正身率下按篤徙京兆尹其政用寬仁憂恤黎

民擢用長者與參政事
郡中歡愛三輔咨嗟焉

正身奉職

又云巴肅為河
南尹正身奉職

優賢養民

又云華崧為河
南尹優賢養民

進賢尚功

續漢書百官志
云凡京都置尹

治民事進

政令甚明

漢書云翟方進為京兆尹搏擊
豪強京師畏之時胡常為青州

賢尚功

刺史聞之與方進書曰竊聞政令甚明為京兆能
則恐有所不宜方進心知所謂其後稍弛威嚴

為

政清整

晉中興書太原王錄云
遷丹陽尹為政清整

枹鼓稀鳴

漢書云張
敞守京兆

尹一日捕盜賊數百人窮治所犯或一人百餘發
盡行法罰由是枹鼓稀鳴市無偷盜天子嘉之

私

請不行

魏志云司馬芝字子華為河南尹抑強扶弱私
請不行居官十二年自魏及今為河南尹者莫

也及
勸農桑增戶口

謝承後漢書云延篤遷京兆尹勸
民農桑遂增戶穀食豐饒鄰治老

少歸之

三輔資其政教

後漢延篤為京兆尹三輔資其政教

百里垂拱

仰辨

魏志云劉馥字子靖為河南尹散騎常侍應璩與馥書曰入作納言出臨京任富民之術日引月長

明趙幽微秉憲不撓有司供承王命百里垂拱仰辨雖昔趙張三王之治未足以方也

未嘗賊

罪鞫人

後漢書曰袁安為河南尹政號嚴明然未嘗以賊罪鞫人常稱曰凡學仕者高則望宰相下則

希牧守鉤人於聖世尹所不忍為也聞之者皆感激自勵在職京師肅然朝廷重之

吏民莫不

自勵

魏志司馬芝為河南尹抑強扶弱吏民莫不自勵

吏民敬其威信

漢書

疑為京兆尹云云

吏民稱不容口

漢書曰趙廣漢為京兆尹日政令肅清吏民稱不容

口

增頭上尹

山堂肆考云唐劉栖楚改京尹峻誅不避權豪宿奸老蠹斂跡一日軍士有所

凌突諸少年從旁譟曰
癡男子不記頭上尹邪

南省位

宋史云陳省華景德初權知開封府轉光

祿卿舊制卿監坐朶殿太宗以省華權
涖京府別設其位升於南省五品之南

造土龍

唐書云代

宗朝黎幹再為京兆尹時大旱幹造土龍自與巫覡對
舞彌月不應又禱孔子廟帝笑曰丘之禱久矣使毀土

龍帝減膳節

聞鴉訴

山堂肆考云唐溫璋為京兆尹
設鈴以通冤訴者一日聞挽鈴

用既而靈雨

聲視之乃鴉也璋曰是必訴人探其

大聲官人

獻徵錄云

雛命吏視之果得探雛者命治之

永樂時陳諤為給事中舉劾權貴每奏事大聲如鐘上
令緘之數日奏對如故上呼為大聲秀才擢順天府尹

既而坐事落職上一日問左右大聲官人何在宜置轉
導使人得聞過乃授荆王府長史多所匡益上賜以忠

良鯁直四字

高第入守

翰苑新書云郡國二十石高
第入守京兆不過二三年近

示寵異焉

者數月惟趙廣漢張敞為久任

默記決遣

又載東坡集云張大定公方平知開封府府事繁為

尹者皆書版以記事公獨不用默記數百以次決遣豪髮不遺吏民皆以為神

宿酒奏事

宋

云李絢以龍圖閣直學士權知開封府治有能名絢夜醉晨奏事酒未解帝曰開封府事劇豈可沈湎於酒邪

治以簡靜

獻徵錄云弘治間高敞尹應天政務填委以次裁決欲以簡靜治之或勸以都下非

外郎比自古尹京者必嚴厲明察始稱其官敞笑曰任吾性而已公退輒與賓客燕飲如平時久之吏樂其簡

民安其易

獄內皆空

翰苑新書載哲宗實錄云王安禮知開封府事至輒斷庭無留訟未三月

而獄內皆空揭諸府門遼使過之歎息以為異事

甚似其父

宋史云呂公弼宰相夷簡子也

權開封府嘗奏事退帝日送之謂宰相曰公弼甚似其父

詔不臺參

唐書云李逢吉惡李紳欲

逐之以韓愈為京兆尹兼御史大夫特詔不臺參而除
紳中丞紳果劾奏愈愈乃以詔自解其後文刺紛然宰
相以臺府不協遂罷愈為兵部侍郎而出紳為江西觀察使
望風而遁又曰開成初鄭覃以

李紳為河南尹河南多惡少或危帽散衣擊大
球占官道車馬不敢前紳治剛嚴皆望風遁去
不相

引避

又曰郭行餘累擢京兆少尹嘗值尹劉栖楚不肯
避栖楚捕導從擊之自言於宰相裴度頗為諭止

行餘移書曰京兆府在漢時有尹有都尉有丞皆詔自
除後循而不改開元時諸王為牧故尹為長史司馬即
都尉丞耳今尹總牧務少尹副焉未聞道路
間有下車望塵避者故事猶在栖楚不能答
不妄造

請

宋史云馮京為翰林學士知開封府數月不詣丞相
府韓琦語弼以京為傲弼使往見琦京曰公為宰相

從官不妄造請乃所以為
公重非傲也京富弼壻

不附安石

又云劉庠為開
封府不肯屈事

王安石安石欲見之戒典謁者曰今日客至勿納惟劉尹來即告吾有語庠者曰王公意如此盍一往見庠竟不往神宗諭之曰奈何不與大臣協心濟治乎庠曰臣子於君父各伸其志臣知事陛下不敢附安石

政如始至

山堂肆考云明皇東巡源乾曜以京兆尹留守京師治尚寬簡居三年政如始至

不負所知

宋史云晏殊留守西京奏張洞知司錄殊晚節驟用刑幕府無敢言洞平居與殊飲酒賦

詩傾倒無不至常事有官責持議甚堅亦自以不負所知樞密高若訥參知政事吳育薦其文學

或

用故相

續通典云唐故事居守之位或用舊德或用故相未嘗以武將而當保釐之重也長慶二年以

前義武軍節度使陳楚為東都留守違制尋亦改焉

三世尹京

翰苑新書載四朝國史云梁子

美權開封府尹入謝言曾祖顥祖適皆常領府事今臣復攝尹懼弗克負荷徽宗曰卿三世京尹為國宣勞誠

措紳之盛事也

四為京兆

唐書云肅代時魏少游四為京兆雖無赫赫名然善任人緣飾規檢

有足稱者

五為京兆再為河南

又云柳公綽子仲郢父子更九鎮五為京兆尹再為

河南

父子兩京

宋史云溫詔歷工兵戶三部侍郎轉開封尹子璩使京西攝尹洛父子兩

京相望人以為榮

兄弟具瞻

唐書云李叔明本鮮于氏世為右族兄仲通天寶末為京兆尹

叔明當東都平招徠遺民號能吏遷京兆尹長安語曰前尹赫赫具瞻允若後尹熙熙具瞻允斯

京

師豪右大震

又云神策軍自興元後日驕恣軍吏李昱貸富人錢八百萬三歲不肯歸許孟容為

京兆尹遣吏捕詰與之期使償曰不如期且死一軍盡驚訴於朝憲宗詔以昱付軍治之再遣使皆不聽奏曰不奉詔臣當誅然臣職司輦轂當為陛下抑豪強錢未盡輸昱不可得帝嘉其守正許之京師豪右大震

京師無事有希文

山堂肆考云范文正公尹開封都民謠曰朝廷無憂有范公京師無事有

希文

請禁賓客相過

宋史云景德初陳省華尹開封以府事繁劇請禁賓客相過詔從之

賓僚不拘時見

山堂肆考云宋呂公著知開封率五鼓視事賓僚至者不拘時見故府無

廢事下

情易達

心一主於惠愛

獻徵錄云明應天府尹吳雄臨事能斷摧奸擊惡推見至

隱而心一主於惠愛嘗讀趙廣漢傳歎曰搆會吏民以賊無辜是宜為民父母之道宜其見刑也至龔黃傳則

曰為吏者當如此矣

都輦重職

白帖山濤啓曰河南尹京兆重職前代皆用名人聖代已來有

李膺杜預王恂雋不疑復今減此者也

電埽庭訟響答詩筒

宋史云錢總進尚書

拜龍圖閣直學士復知開封府臨事益精蘇軾乘其據案時遺之詩總操筆立就以報軾曰電埽庭訟響答詩

高近所未見也

表則四方

監臨三輔

鎮撫畿甸

肅清

京師

當堯舜之朝

繼張趙之位

偶唐虞之代

尹河洛之都

統千里之封畿

領萬戶之版籍

況

屬休明之朝

宜尊表則之位

朝許政能任先廣漢

時推明察選在不疑

漢推能政選在素安

晉擇

公才任先孔坦

京尹五

原詩梁元帝去丹陽尹尹荊州詩曰驂駕乘駟馬謁帝

朝承明分符涖閩越終然慙勵精 又曰副君垂獎眄

仁慈穆且敦終朝陪北閣清夜侍西園降責深知已寧

思食堪恩未嘗辭畫室誰忍去輾轅 蕭琛和元帝詩

曰妙善有兼姿羣材成大厦奕奕工詞賦翩翩富文雅

麗藻若龍雕洪才類河瀉案牘時多暇優游閱典墳儒

墨自元解文史更區分平臺禮申穆兔苑接卿雲軒蓋

蔭馳道珠履忽成羣德音高下被英聲遠近聞 徐勉

和元帝詩曰敬愛良是賢謙恭實所務尊賢遺道德重

學嚴師傅六藝誠為敏三雍稱有裕覆被唯仁義吐納
必珪璋壯思如泉湧逸藻似雲翔夙有匡時調早懷經
世方留心在庶績勵精思治綱

原箴漢揚雄

一作崔駰

河南尹箴曰芒芒天區畫冀為京商

邑翼翼四方之經

一作是營

爰作卿士以尹王州風化攸興

萬國承流

增制唐蘇頲授宋璟兼京兆尹制曰敕惟雍設都實難
其理京尹鎮俗不易其才具官宋璟天假直清時歸方

正端莊以立姦慝遷於望風果斷而行網維成於不日
衣冠所重人吏攸欽俾承彈糾之餘乃綜浩穰之劇可
兼京兆尹餘如故 常袞授孟皞京兆尹制曰門下天
府惟雍神臯作京當四海之會同在三輔而尤劇漢以
郡國二千石高第入守而轂下稱之今因其制而選用
亦陟明於辨理也具官孟皞端一簡亮外寬內肅在割
能斷見事風生歷踐通列侃然處正京師化源庶尹之
則承平無事統正猶難或多毀傷失名數月輒罷況寇

難未靖邊備尚勞率西之師取給畿內戎衣軍餉困竭
閭閻姦人豪奪吏氣傷沮屢有申救未懲其弊思得至
公明斷之才曠然大變其俗是用命爾典司劇仕肅清
權右扶養元元無俾趙張專美有漢可守京兆尹散官
勲封如故 又授京兆府尹魏少游加御史大夫制曰
門下肅清風俗糾正朝廷必求審諤之才式總紀綱之
任具僚魏少游直方其行簡亮在躬有玉壺之清澄兼
龍泉之斷割通變可以成世務精密可以舉人倫中外

累更風聲益振法無所避姦不能欺貳職司徒實平邦
教三尹京邑備洽人謠不有兼官豈云重寄宜授趙堯
之印俾雄張敞之職可檢校御史大夫餘如故 白居
易授韋正貫京兆尹制曰敕權知京兆尹韋正貫詩不
云乎京邑翼翼四方是則故趙張邊延馳名兩漢而不
疑兼以儒學取重當時斯任也吾豈易哉爾敷用政術
列為殊科再升文字之途一舉雲霄之路拔於郡府以
尹京師有抑強扶弱之心得變通適時之用煦若春日

肅如秋霜干將淬而投刃皆虛騏驥馭而追風自遠重
以郊天盛禮發號鴻恩訖事而物力安舒設禁而寇攘
帖息是用嘉乃成効寵之正名爾其奉上思盡臨事思
權轄健吏而惠窮人簡簿書而提綱目處劇勿紊居閑
勿遺俾推剽絕迹於九衢枹鼓息鳴於五夜克揚顯績
用繼前脩 又授黎幹京兆少尹制曰敕朝散大夫前
守諫議大夫兼侍御史內供奉賜紫金魚袋黎幹經遠
良圖弘通敏識典墳聚學風雅成文操守甚貞行歸於

正早敦近披見重中朝俊德用彰嘉言罔伏項有歸閑
之志益存難進之誠亞彼尹京眷求公器宜膺獎命俾
展多方可京兆少尹散官勲封如故 元稹授楊巨源
郭同元河中興元少尹制曰敕具官楊巨源詩律鏗金
詞鋒切玉相如有凌雲之勢陶潛多把菊之情朝請郎
前守華陰縣令郭同元文戰得名吏途稱最劉超推出
納之善王渙著抑挫之名皆用已長各居官守因其滿
秩議以序遷稽其器局之良宜參尹正之亞巨源可守

河中少尹同元可權知興元少尹 宋歐陽修除劉沆

特授行工部尚書充觀文殿大學士知應天府制曰門

下罄一節以事君中外之任無間處大臣而有體進退

之禮必優屢形懇避嘉赦慙之弗移宜峻寵章示眷懷

之特異具官劉沆質性剛鯁姿材敏明入必侍於清閑

出屢更於事任翼翼是則有聲京邑之雄巖巖具瞻遂

參廊廟之用乃疇嘉績爰正台司執毀譽不回之心篤

於自信勤夙夜匪懈之志久而益勞顧方厚於倚毘乃

遽思於退讓察其所守實亦重違惟茲祕殿之嚴眷乃
留都之重既增美秩仍益真封於戲秉國之鈞居則坐
而論道為時舊老往則殿於大邦是惟出處之榮勉服
便蕃之命

原表梁劉孝儀晉安王讓丹陽尹表曰臣聞盈尺徑寸
易取琢磨南箕北斗難為簸挹何則良工質美在器成
珍假名責實涉求必殆 邵陵王讓丹陽尹初表曰臣
進非民譽退異宗英尸居宗號已紊彝典况京兆五守

西漢難追河南二尹東京罕繼審已循涯自知莫可街
談巷議尤見不勝 庾肩吾為南康王讓丹陽尹表曰
臣聞劔鏐七星非有司天之用簾圖五岳寧識崇朝之
雲是知策彼泥龍不能令其逐日乘斯流馬安可使其
奔電方今振鷺盈庭白駒空谷惟帝念功惟明克允君
子之國幸聞其讓石門之水獲免於貪

原序梁元帝丹陽尹傳序曰傳曰大夫受郡漢書曰尹
者正也及其用人實難授受廣漢和顏接下子高自輔

經術孫寶行嚴霜之誅素安留冬日之愛自二京版蕩
五馬南渡固乃上燭天文下應地理爾其地勢可得而
言東以赤山為成臯南以長淮為伊洛北以鍾山為華
阜西以大江為黃河既變淮海為神州亦即丹陽為京
尹雖得人之盛頗媿前賢而眎遇之深多用宰輔皇上
受圖負宸寶厯惟新制禮以告成功作樂以彰治定豈
直四三皇六五帝孕夏陶周而已哉若夫位以德叙德
以位成每念泰涖京河茲焉四載以入安石之門思勤

王之政坐真長之室想清談之風求瘼餘晨頗多暇景
今綴采英賢為丹陽尹傳

京府判官

增蒞事恪謹

宋史云程羽領開封府判官羽性淳厚蒞事恪謹太宗尹京頗以長者待之及即位

命知開封府

始置通判

又云太宗為府尹宋琪為推官初甚加禮遇琪與宰相趙普樞密使

李崇矩善出入其門遂惡之乃白太祖出之外太平興國間復以藩邸舊僚留判三司勾院俄通判開封府事

京府置通判自宋琪始也

勸辭留務

又云秦王廷美尹開封府呂端以考功貲外郎充開封府

判官太宗征河東廷美將有居留之命端白廷美曰主上擲風沐雨以申弔伐王地處親賢當表率扈從今主

留務非所宜也廷
美由是懇請從行

下堂對使

又云許王元禧尹開封呂端復為判官王甕有

發其陰事者坐裨贊無狀遣御史武元穎內侍王繼恩就鞠於府端方決事徐起候之二使曰有詔推君端神色自若顧從者曰取帽來二使曰何遽至此端曰天子有制問即罪人矣安可在堂上對制使耶即下堂隨問

而
並賜金紫

又云太平興國間許王尹京命轉運使張去華為開封府判官殿中侍御史陳

載為推官並賜金紫謂曰卿等皆朝之端士持加選用其善佐吾子各賜錢百萬

請行辟屬

又云謝絳數論事權開封府判官上言蝗亘田野以臣愚所聞似吏不甚稱而召其變願詔公卿以下舉任州府者使得自辟屬縣令

妙選僚佐

又云真宗尹京妙選僚佐驛召揚徽

長務求術略不限資考之為諫議大夫與畢士安並充開封府判官

執奏宮禁

又云梅摯徙開封府判官遷推官僧

常瑩以簡札達宮人輦官鄭玉醉呼毆
徽巡卒皆釋不問摯執奏皆杖配之

草定書疏

又

真宗尹京楊徽之為首僚郎中
書疏皆徽之從孫億所草定也

升殿並命

又云盧瑛為太常博

士咸平二年選為開封府判官與推官李防並命真宗
謂宰相曰人之有材難得悉知但歷試而後可見占謝
日特升殿諭以天府事
繁慎選之意仍賜緡錢

不奉宮中教旨

又云龐籍為開封府判官

尚美人遣內侍稱教旨免工人市租籍言祖宗以來未
有美人稱教旨下府者當杖內侍詔自今宮中傳命無
得輒受

平反白衣會獄

又云榮諲為開封府判官太康
民事浮屠法相聚祈禳號白衣

會縣捕數十人送府尹賈黯疑有妖請誅其首而流其
餘諲持不從各具議上之中書是諲議但流其首而杖
其餘

稱為廉判

獻徵錄云明呂言大學士原之孫也以
廕授太平府通判改應天歷任幾年

妻子弗以隨食無重味數日才一舉肉弗飽也中丞大僚呼斥羣吏見君入肅然起曰廉判來矣故僚佐多忌之而言又好議天下事若濶遠無近功人咸曰京兆君迂言亦自安其迂弗較也

湛浮自得

又云嘉靖時祝允明以興寧令遷應天府通判亡何乞歸允明簡易高曠不樂拘檢性善書晚益奇縱喜獎拔後進終身不言人過其居家未嘗問有無得錢輒召所善客與噱飲盡乃已少有意用世既濩落不試一發於文所著書合詩文集數百卷陸繁曰明興百年士猶膠守章句未覩其恢然者也憲孝之際始彬彬矣祝先生由諸生起覃精發藻橫逸踔厲超追古昔盛哉若其湛浮自得龍變不羈大觀逍遙廓然離俗者矣

京府推官

增察其冤誣

宋史云五代漢初魏王承訓為開封府尹盧億以水部郎中充推官時侍衛諸軍驕

恣軍士成美以驢負鹽入都門閤者不敢執反擒平民
孟柔送侍衛司柔自誣服論死億察其冤言於漢祖而
釋之

反坐告者

又曰神宗時蔡齊子延慶以集賢校理
歷開封府推官有衛士告黃衣老卒筒

火入直延慶察卒辭色疑焉詢之
果誣即反坐告者事聞帝甚重之

文擢第一

又曰畢
仲游宰

相士安曾孫也召試學士院同策問者九人乃黃庭堅
晁補之輩蘇軾異其文擢為第一加集賢校理開封府

推官

不伐科名

又曰真宗尹京楊礪為推官真宗嘗問
礪以何年及第礪唯唯不對後知其唱

名第一自悔失問謂礪
不以科名自伐甚重之

伉直尚氣

又曰王孟柔睪子
也伉直尚氣以廢

至集賢校理與蘇舜欽秦卨會醉作傲歌時人欲逐傾
正黨至列狀言孟柔罪當誅韓琦為解於帝久之為開

封府
推官

請察獄冤

又云李防擢開封府推官請與判官
問三五日即府司軍巡院察冤獄

特加歎賞

又云喬維岳為淮南轉運副使嘗按部至泗州處囚法掾誤斷囚至死維岳詰之掾

俯伏且泣曰有母年八十餘今獲罪則母不能活矣維岳憫之因謂曰他日朝制按事第云轉運使令處茲罪卒如其言獲免維岳坐贖金百二十斤罷使職權知楚州真宗以壽王尹京精擇府僚召還為開封府推官或言其在淮南決獄不平左右有知其事者辯之太宗特加歎賞京府事維岳平處詳敏有王陟為司錄真宗亦稱其名幹及踐阼即命維岳與畢士安權知開封府

法不止笞

又云呂公孺為開封府推官民

鬻薪為盜所奪逐之遭傷時包拯為尹命笞盜公孺曰盜而傷主法不止笞執不從拯善其守

事宜

窮治

又云韓絳為開封府推官有男子冷青妄稱其母頃在掖庭得幸有娠而出生已府以為狂奏流汝

州絳言留之在外恐惑衆追責窮治蓋其母嘗執役宮禁嫁民冷緒生一女乃生青遂論棄市

奏事

賜緋

又云趙槩少爲學識宏遠爲一時名輩稱許中進士爲集賢校理授開封府推官奏事殿中仁宗

面賜銀緋

未午而畢

又云楊繪爲開封府推官遇事迎刃而解諸吏惟日不足繪未午率沛然

決斷精敏聲聞益遠

又云王安石不悅蘇軾令權開封府推官將困之以事軾決斷

精敏聲聞益遠

創立推判分治之法

又云元祐中王巖叟爲樞密都承旨權知開封

府舊以推判官二人分左右廳共治一事多爲異同巖叟創立逐官分治之法自是若爲令

京府治中

增求爲尚寶

蘇徽錄云鄭端簡公曉在選曹巖相嵩子世蕃以治中求爲尚寶丞曉據故事謝之

分宜始怒

治中惠政

又曰龐嵩字振卿居南海弼唐鄉學者稱爲弼唐先生嘉靖間由鄉舉授

應天府通判進治中先後凡八年大京兆缺屢攝府事
多惠政時江寧葛仙永豐二鄉數被水患居民餘七戶
而已歲課不能辦嵩為築堤闢萊得四三千六百畝立
惠民莊四募召貧民佃之流移盡還百姓至今賴之嵩
早遊王陽明湛若水之門奉其緒論為諸生規建會於
新泉書院日與講學府在六年京察例而復與觀察嵩
疏請止著為令嵩
仙鄉立祠祠之

京府司錄事 諸曹參軍附

增特遣宣諭

唐書曰溫造字簡與大雅五世孫也姿表
瑰傑威氣少所降屈隱王屋山張建封烏

重脩薦之長慶初以京兆司錄為太原幽鎮宣諭使召
見辭曰臣府縣吏也不宜行恐四方易朝廷穆宗曰朕
東宮時聞劉總比年上書請覲使問行期乃不報卿為
吾行喻意毋多讓因賜緋衣至范陽總橐鞬郊迎造為

欽定四庫全書

卷一百十二

開示禍福總懼矍然若兵在頸由是籍所部入朝

聽自擇官

又曰元和中白居易召入翰林

為學士遷左拾遺歲滿當遷帝以其資淺且家素貧聽自擇官居易請如姜公輔以學士兼京兆戶曹參軍以

便養

今黃叔度

又云劉迅字捷卿歷京兆功曹參軍嘗寢疾房瑄聞之憂不寐曰捷卿有

不諱天理欺矣陳郡殷寅名知人見迅歎曰今黃叔度也劉晏每聞其論曰皇王之道盡矣

受詔

鞠獄

宋史云太宗朝趙安仁為開封府司錄參軍事拜秘書丞受詔鞠開封獄得其非辜者即日授推官

塔錢餽軍

又云仁宗朝陳希亮為開封府司錄福勝塔火官欲更造度用錢三萬希亮言陝西

用兵願以此餽軍

以謹幹聞

又云王陟以著作佐郎留知開封府司錄參軍前司錄閻仲卿

屢升殿奏事真宗尹京時頗不悅及陟代之以謹幹聞尤被待遇所位召賜緋魚袋改著作郎開封府推官

具徭役利害上之

又云韓琦知定州安喜縣為政強
力韓琦稱其才邊開封府司錄嘉

祐寬恤諸道分遣使者琦曰京師諸夏本顧獨不蒙忠
乎乃具徭役利害上之詔司馬光陳洙詳定條式遂草
大姓漁
并之弊
與府尹同對殿中
又曰韓肖胄琦曾孫也祖
忠彥再世為相以廕補承

務郎歷開封司錄與府尹同對殿
中徽宗問其家世賜同上舍出身

以登第更仕宦者

為之

又云宋王臻權御史中丞建言三司開封府諸曹
參軍及亦縣丞尉率用貴游子弟驕慢不習事請

易以孤寒登第更仕宦書

有宰相器

又云龐籍及進
士第為黃州司

考無過者為之可具奏

理參軍知州夏竦以為有宰相器調開
封府兵曹參軍知府薛奎薦改法曹

以公輔期

歐陽

文忠歸田錄云薛簡肅奎知開封府時明參政鎬為府
曹官薛待之甚厚直以公輔期之其後守秦辟以自隨

有問於公何以知其必貴者曰其為人也端肅其言簡而理盡凡人簡重則尊嚴此貴臣相也其後錫果至參知政

知其能

宋史云趙鼎登崇寧五年進士第累官洛陽令宰相吳敏知其能擢為開封士

曹參

臨事勁正不受請託

又云鄭望之登崇寧五年進士第歷開封府儀工戶

曹以治辦稱臨事勁正不受請託宦寺有強占民田者奏歸之蔡京欲奪人妾使人諭意望之拒不從

西社同門友元符上書人

又云家愿父勤國慶歷間與從兄安國定國同從劉巨遊

與蘇軾兄弟為同門友愿紹聖間登進士第元符三年應詔上書極論時政凡萬言崇寧元年詔藉元祐元符上書人姓名愿以選人籍入邪下等禁錮不調靖康初左丞馮澥薦除開封府工曹淳祐間曾孫大酉侍講廷因從容及之上改容嘉歎宣取所上書及親書西社同門友元符上書人十大字賜之

明不設

廂官

增分置八廂

宋史云韓維在太常與王安石持議不合使為開封府始分置八廂決輕刑殺下肅

清

不行庭參

翰苑新書云邵伯溫撰蔡確傳確字持正韓維知開封府奏為管勾左廂公事

後劉庠知開封府貢確庭參確謂藩鎮辟除掾屬乃有此令輦轂下比肩事主雖故事不可用庠不能屈神宗問而嘉之後臺官缺執政奏乞除官上曰可用不肯階墀見劉庠者遂除監察御史

明不設

市令

原內史屬官

長安市長

北堂書鈔云漢書百官公卿表云內史屬官有長安市尉


兩令 又云長安四市四長丞皆屬焉

祭遵奉法

元儒知人

東觀漢記云祭

遵為軍市令舍中兒犯法殺之上怒命收遵主簿陳副
諫曰遵奉法不避是教令所行也上乃賞之以為刺奸
將軍王隱晉書云石苞販鐵鄴市市長沛國趙元儒
名知人見苞異之歎苞當至公輔由是知名



御定淵鑑類函卷一百十二